

善本書室藏書志

善本書室藏書志卷三十九

錢塘丁丙松生甫輯

集部十八

古樂府十卷

元至正刊本

海甯周氏藏書

豫章方克明編次

克明仕履無考自序題云至正丙戌則在順帝時也書分八類曰古歌謠曰鼓吹曲曰橫吹曲曰相和曰清商曲曰舞曲曰琴曲曰雜曲每類各有小引四庫以未見元刻無由互校按讀書敏求記云焦仲卿妻詩新婦初來時小姑如我長蘭雪堂活字本玉臺集初來時下添小姑始扶牀今日被驅逐二句初觀不覺其謬再四尋繹始知妄庸子以顧邁翁棄婦詩誤爲添補邁翁詩云及至見君歸君歸妾已老則扶牀之小姑何怪其長如我此事前云共事二三年始爾未爲久安得三年未周小姑

長成遠如許耶此刻於至正年間未改原詩之舊近吳門刻左氏樂府反據謄本增入并改寡婦赴徬徨爲起徬徨文理違背書之日就舛錯將使誰辨之而誰正之乎有玉井山人浣青珍藏海甯周之憲讀過三印

古樂府十卷

明嘉靖刊本

豫章左克明編次

前有至正丙戌克明自序云推本三代而上下止陳隋截然獨以爲宗雖獲罪後之君子無所逃焉後有嘉靖二十三年南郡華容蕭一中撰重重跋云予愛誦是編願版行歲久殘缺至不可讀翻版未能歲甲辰秋自江右謬轉浙藩思竟初志謀之同案僉曰善遂梓之與好古者共焉其焦仲卿妻詩雖不免沿寡婦起徬徨之謬然新婦初來時之下尙不致如蘭雪堂玉臺集之添改也

新刻西湖竹枝詞一卷 明刊本

至正八年楊維禎序云予閒居西湖者七八年與張貞居鄒九成輩爲唱和交水光山色浸沈胸次洗一時尊俎粉黛之習於是乎有竹枝之聲好事者流布南北名人韻士屬和者無慮百家採風謠者其可忽諸皆七言絕句自楊廉夫至韓彥敬凡一百十七家又女士曹妙清張妙善二家無名氏二首皆各詳仕履行誼著述於詩前天順三年浙江僉事陵川和維振綱從劉邦彥得此本喜西湖去外臺不半里遂付梓以廣其傳

玉山名勝集八卷外集一卷

勞季言精校本

玉峯顧瑛仲瑛編次

瑛又名德輝字仲瑛崑山人舉茂才署會稽教諭辟行省屬官皆不就年四十卽以家產盡付其子元臣卜築玉山草堂池館亭臺圖書珍玩傾動江左一時名流勝士多從游宴因裒其詩

文爲此集每一地各先載其題額之人次載所自作曰玉山堂
曰玉山佳處曰種玉亭曰小蓬萊曰碧梧翠竹堂曰湖光山色
樓曰讀書舍曰可詩齋曰聽雪齋曰白雲海曰來龜軒曰雪巢
曰春草池曰綠波亭曰絳雪亭曰浣華館曰柳塘春曰漁莊曰
書畫舫曰春暉樓曰秋華亭曰淡香亭曰君子亭曰釣月軒曰
拜石壇曰寒翠所曰芝雪堂曰金粟影更以序記詩詞各系其
後外集一紀餞送一紀寄贈也前有金華黃潛湘東李祁序張
翥寄題玉山詩有季言勞格勞保艾讀諸印蓋季言再三精校
之本也

玉山草堂名勝集八卷外集一卷

舊鈔本

徐釗庵藏書

前有至正十年金華黃潛序至正十一年湘東李祁序至正十
年張翥題玉山詩自玉山堂至金粟影凡二十八景各標景
名而著題額之人次著願瑛題次著名流序記詩詞元季知名

之士十居八九矣外集紀寄贈篇什有寶研主人珍藏院青珍
藏海甯周子曼煙雲過眼諸印末有徐洪盤題云右舊鈔玉山
名勝集八卷外集一卷紙墨精好筆畫端謹雖可愛玩玉山主
人身丁末造當干戈遍野流血滿川渠之會而儒衣僧帽兀
傲其間雖其園亭之盛胸襟之曠財力之雄然皆當時風俗之
所以成之今庚辛之亂寇氛所至城市皆墟離宮苦不堪設
想間有一椽側牖饋粥尚供者似謂非其分所應有必羣起而
魚肉之不破其家不止遑論園亭文酒哉偶讀是集感而書之

洪基號塾庵海昌人

草堂雅集十三卷

舊鈔本

崑山顧瑛類編

瑛雅擅詞章愛通縞紵玉山佳處勝友如雲投贈之篇彙成此
集世傳本自陳基至釋自快凡七十人蓋闕其首冊移易編成

此本有正統乙丑玉峯七十五歲老翁金子真識云朱東屏近得玉山草堂詩集脫落散失命余緝治余觀之清絕可喜故樂爲整循其次又天啟元年文氏震孟跋云玉山草堂雅集十三卷爲家藏善本卷首標目出自先國博府君亦借書之最精者友人錢受之王淑士各借鈔一部人閒流傳未廣猶可稱竺隲帳中珍也始柯九思迄釋自恢凡七十四人似較陸其清藏本爲勝耳

玉山名勝外集二卷玉山紀游一卷

精鈔本

右二卷紀寄贈玉山主人篇什下卷紀玉山能別紀游篇什諸家藏本名勝外集皆一卷此二卷與受日補遺皆一卷故世合紀遊一卷汝陽袁華子英編爲四庫著錄皆庶幾紀遊倡和之作所遊如天平靈巖虎阜西湖吳江錫山上方山觀音山不止崑山一境也末有雍正辛亥嘉定戴范雲題記

玉山倡和二卷玉山遺什一卷 影寫本

士禮居藏書題跋云此朱性甫家遺書爲玉山名勝集及玉山璞藁所未收昔鮑丈淶飲曾以此本流落江南人家未及刊刻爲恨及淶歿而此書始出惜竟無好事人付梓耳余借諸壽松堂蔣氏蔣氏得諸濂溪坊顧氏原書大半爲性甫手書余倩友彭孳後世又有一副本不減中郎虎賁之似矣此又從士禮居本錄出者

至治之音一册 精鈔本 黃美圃藏書

右爲賦凡六十四篇其題爲太極圖石鼓天馬辟雍禹鼎雲夢手植檜龍虎榜科斗文字凌煙閣四靈泰階六符登瀛洲陽燧無逸圖石渠閣大別山太常清廟瑟玉燭靈臺藹節龍虎臺金馬門蒲輪車龍馬圖王會圖浙江黃鍾玉佩暘谷大成樂彭蠡銅柱帝車角端釋奠儀江漢朝宗廣寒殿天府章華臺天爵作

者凡六十人爲黃潛羅曾歐陽文陳泰王沂羅振文邱堂祝堯
方君玉周尙之孟泌朱文憲彭士奇蒲紹簡吳暎方回孫劉性
周鏡徐容曾煒曹師孔尹貫道李懋江孚鄒選莊文昭趙俶羅
慶源林溫沈幹董朝宗舒慶遠吳從善饒泰陳吳召公任陳祖
仁高明應才胡斗元劉于塗淵戴時中周全慶戴元溥陳高王
宗哲鄒奕徐勉之呂誠葛元哲吳帥尹施禮陳正宗李國鳳何
淑儲緒賢徐中許昌言林似祖林溫後有識云洪武三十一年
六月二十四日竟此前冊是書乃西禧文淵有道樓君家藏海
虞朱燧子新識之爲他日暇中展玩按六十四賦選於賦彙者
不多六十人大半無別集卽有亦往往不載此雖祇一冊足以
見有元賦學之盛矣有黃丕烈印堯圃鈔藏二印

選詩補注八卷補遺二卷續編四卷

嘉靖刊本

上虞劉履

履字坦之宋侍御忠公四世孫守志勵行以經術世其家入明不仕自號草澤閒民洪武十六年詔求天下博學之士浙江布政使強起之至京師授以官以老疾固辭賜鈔遺還未及行而卒 四庫著錄名風雅翼天一閣書目載其書有至正二十一年謝肅序例云詩自孔子刪後殆未易言然今人欲知漢魏以下諸作頗賴昭明選詩之存茲重加訂選得二百十有二首又常恨陶靖節詩在文選者甚少今就其本集增取二十九首又於後漢書得鄴炎詩二首於文章正宗得曹子建怨歌行一首於阮嗣宗集得詠懷二首皆文選所遺者總二百四十六首釐爲八卷此本重刻謝序已佚惟存太原王穉登序補遺二卷履自序云上下卷凡四十二首皆古歌謠詞散見於傳記諸子之書及樂府集者也余既補注選詩而復輯是編者蓋竊承經史諸書韻語文選古詩附於三百篇楚詞之後之遺意續編四卷

履自序云昔朱子嘗欲鈔經史韻語文選古詞又將擇夫文選以後請詞之近於古者以爲羽翼輿衛惜乎未覩成書後學無所取則慰復及是編者蓋亦竊承朱子之遺意也凡選唐陳拾遺薛少保李翰林張曲江王右丞儲御史杜工部韋蘇州韓文公柳柳州張司業十一家宋王荆公朱文公二家

荆南倡和詩一卷

明刊本

王遵聖願秀野藏書

元周砥馬治同撰至正癸巳甲午乙未三年閒無錫周砥履道遭亂客於宜興馬治孝常家兩人隨事倡和積詩一卷分寫二帙各藏其一詩之所由名也同時遂昌鄒元祐序之砥與治又各自序砥後從張士誠死於兵而治入明宰內邱守建昌死生雖異友誼猶存因梓爲是集附錄數詩皆砥懷孝常哀履道之作此本尙在成化李應植張弼校刊以前有蓮涇太原叔子藏書記願嗣立印俠君汪上鏡藏五印憶先君子從梅東里遷麒

麟街與龐氏連居小樓積書笥數十忽屋漏沾書出暴於庭中有荆南倡和詩沾溼最甚爲蓮涇所寫精絕可愛又有元和三舍人詩亦蓮涇寫藏惜皆付之劫灰今見此本可想見蓮涇互藏寫刻時也

元人小集十二卷

舊鈔本

不著編輯姓名中錄吳興郊部九成菴溪漁唱一卷橋李吳鎮仲圭梅花庵稿一卷天台柯九思敬仲丹邱生稿一卷崑山姚文奐子章野航亭稿一卷京口郭昇天錫快雪齋小集一卷鄧文原善之巴西詩集一卷漁陽鮮于樞伯機困學齋稿一卷莆陽方瀾叔淵遺稿一卷吳郡陳植叔方宣極齋稿一卷天台曹文晦輝伯新山稿一卷黃巖潘伯修省中江楹集一卷昭武黃清老子肅樵川集一卷鈔本書法秀逸頗可觀覽

乾坤清氣集十四卷

舊鈔本

義陽偶武孟選

武孟名桓自號膳牛太倉衛人官荆門州吏目朱竹垞檢討云
明初詩家操選政者賴良直卿許中應仲孚劉仔肩汝弼沈巽
士傅王偁孟敷皆有所蔽惟膳牛乾坤清氣一編能開生面惜
予所鈔闕七言近體絕句未得全書爲憾今本卽從朱氏傳鈔
者

餘姚海隄集四卷

舊鈔本 汪魚亭藏書

嗣孫萊翼斯跋述刊

海隄在越之餘姚潮汐往來隄堰傾圮元天曆開四月葉侯敬
常由太學爲是州判官嘗捐資募工先勞著績蒞中陳旅記其
事文人學士莫不以詩文豔之判州卒官邦人聞於朝封仁功
侯賜廟永澤祀典太常有子曰晉字孔昭授宣政院照磨補官
江南行御史臺掾痛念其父有功海隄諸君述作褒揚恐久而

泯歿乃摭爲海隄集將刊行會兵火繹騷不果從弟之翼哀痛
之迫求鄉邦耆彥及各文集中采錄得之編爲此集鈐有汪魚
亭藏閱書一印

唐詩品彙九十卷拾遺十卷

宏治刊本

新甯高棟編

棟一名廷禮字彥恢號漫士長樂人永樂間自布衣徵爲翰林
待詔陸典籍附見明史文苑林鴻傳著有嘯臺集木天清氣集
棟以元末詩格纖仄類詞乃與林鴻標舉唐音以示正宗所錄
凡六百二十家得詩五千七百六十九首分體編次始洪武甲
子成於癸酉棟有自序至戊寅又搜補六十一人詩凡九百五
十四首附錄於後每體分正始大宗大家名家羽翼接武正變
餘響旁流爲九格洪武辛巳玉融馬得華靈武王偁洪武乙亥
林慈撰序至成化丁酉江西提刑按察使三山陳煒刻而爲序

寄版於旌陽鐵柱宮宏治戊申厄於祝融南昌郡守周君鳳載梓之滇南張聰序之嘉靖戊戌賴守漳州康公又新其版而南粵謝邦信序其事

唐詩正聲二十二卷 嘉靖刊本

新雷高棟編選

前有棟自識云昔編唐詩品彙一集自貞觀迄於龍紀三百年間凡所謂大名家人數公與夫善鳴者殆將數百家其言足以沒世不忘者悉錄之分編定目隨體類從凡九十卷其詩五千七百六十九首竊慮博而廣要纏而不純乃拔其尤彙爲此編有成化辛丑南京戶部尙書三山黃鑄嘉靖三年蘇州知府天水胡繼宗十四年武昌守何城序正統壬戌彭暉跋

金蘭集三卷續集一卷

曹億圖鈔本 汪季青藏書

吳郡徐達左良夫類編

達左字良夫吳之光福里人爲人清修立學受易於鄱陽邵宏道受書於天台董仁仲皆得其指歸自元政日非天下寢亂益深韜晦不汙僞命及世平定有聘爲師訓建寧者達左謂建寧紫陽講學之所遂往教其鄉復北游闕里浩然有得卒於建寧學舍此集乃輯其同時酬贈之作正統九年十一世孫羽志刻之尙有附錄一卷乃達左兄子濟出守邵武及歸田後與友朋倡和之詩此本已佚而別有續集一卷爲鄧尉徐堅重編皆游武夷九曲時題贈之作附達左所撰遺文此舊鈔版心有橋李曹氏倦圃藏書八字又橋李曹氏藏書印及古香樓休甯汪季青家藏書籍諸印

文章辨體五十卷外集五卷

明天順刊本

海虞後學吳訥編集

是編凡例稱文辭以體制爲法古文類集今行世者惟昭明文

選姚鉉唐文粹東萊宋文鑑西山前後文章正宗蘇伯彥元文類爲備然文粹文鑑文類惟載一代之作文選編次無序獨文章正宗義例精密今所編文每體自爲一類各以時世爲序前有諸儒總論作文法一卷外集五卷皆駢偶之詞天順八年吏部右侍郎兼翰林學士安成彭時爲之序篁墩文衡特錄其諸體之敘陸深亦稱其精博眞文忠以後未有能過之者

中州名賢文表三十卷

舊鈔本

明劉昌編

昌字欽謨吳縣人正統乙丑進士歷官河南提學副使遷廣東參政是編所輯者許衡六卷姚燧八卷馬祖常五卷許有壬三卷王惲六卷富珠哩翀二卷各有原書碑志銘傳等篇附於後內姚集五十卷富集六十卷久已不傳賴此尙存崖略前有成化七年昌自序蓋官河南時所輯也

皇明文衡一百卷

嘉靖刊本

翰林院學士新安程敏政選編鄉進士國子監助教永康范震校
正賜進士應天府儒學教授郊郢李文會重校

前有敏政自序爲類三十有八首代言乃奉敕撰擬之文次賦
次騷次樂府次琴操次表箋次奏議次論次說次解次辨次原
次箴次銘次頌次贊次七次簡問次問對次書次記次序次題
跋次雜著次傳次行狀次碑次神道碑次墓碣次墓志次墓表
次哀誄次祭文次字說悉題作者姓名從玉臺新詠例也採輯
雖不免蕪雜然洪武以後成化以前先正流風終有典型可爲
模範也後有嘉靖丁亥淮東盧煥識云歲乙酉予總學政按徽
郡取視篋墩先生文衡版刻半脫攜至京屬應天教授范震校
梓越五月震代去今教授李文會來校督又三月梓人工完蓋
重雕本耳

藏書志卷三十九

九

新安文獻志一百卷

宏治刊本

朱臥庵藏書

明程敏政編凡南北朝以後文章事蹟有關於新安者皆旁搜博採分類輯錄前六十卷爲甲集皆先達詩文後四十卷爲乙集皆先達行實援据浩繁排纂不紊所附考證亦多詳核有宏治三年賜進士及第中順大夫詹事府少詹事兼翰林院侍講學士同修國史兼經筵官休甯程敏政自序及凡例十三則先賢事略二卷有朱臥庵收藏印朱之赤臥庵所藏又賣衣買書志近迂愛護不異隋侯珠有假不返遭神誅于孫鬻之何其愚小木記人生古來稀寒士精神明善堂覽書畫記安樂堂藏書記宣城李氏瞿剛石室圖書諸印記

忠節流芳集二卷

宏治刊本

前列王翰友石山人遺稿後列王偁自述誄及諸公輓偁詩文按偁字孟陽翰子永樂初聘至京授檢討英國公張輔征交趾

奉命參軍事還時以在交趾與解縉交好坐黨下獄死末有宏
治八年浙江按察僉事彭城張佶跋云右友石山人遺稿元闈
總管王翰用文所作也其子偁孟揚永樂初爲翰林檢討又自
作誄詞續之於後宏治乙卯余巡歷行臺衢庠訓導王焯乃孟
揚之嫡孫也一日奉是集進余且求以名其篇而梓之予觀其
詩不下百篇而極取乎用文之自決一章凜凜乎英風義氣激
切人心及孟揚之死於國事者又大乎綱常之重是可見王氏
父子之孤忠峻節先後一揆亘乎日月之明有不容掩也遂歸
之名曰忠節流芳集爰命龍游縣尹黃文紀之毀以傳於世蓋
實喜其爲子孫者能不忘其祖先之善云有大石山房語古不
事元後人三印

經義模範一卷

嘉靖刊本 袁澈六藏書

前有嘉靖丁未純庵王廷表序稱得於楊升庵太史乃同年朱

良矩所刊義凡十六篇易義二篇爲姚李憲餘篇則蜀先賢廣安張才叔中江吳師孟簡州張孝祥也臨安大邦伯左蘇東崖胡公屬廷表序而重梓良矩名方浙江永康人書首鈐翰林院印當是四庫館發還之書又有黃石公種書堂藏本古潭州袁臥雪廬收藏諸印

皇明西江詩選十卷 景泰刊本 汪閩源藏書

會稽韓陽選編弋陽李奎校正

前有景泰六年都察院右僉都御史姑蘇韓雍序云余巡撫江西之明年博採江西諸故老之詩若干帙屬按察副使韓公伯易大理少卿李公文瞻選而正之逾年始成壽梓以傳而李奎與韓陽並爲之序天一閣書目著錄有葉廷珍印靜軒曾藏汪閩源家諸印

唐文鑑二十一卷 正德刊本

明文林郎監察御史東吳賀泰編集建陽縣知縣孫佐校刊

泰字志同吳縣人宏治己未進士官至巡按福建御史嘗取有唐一代之文彙而編之致仕吏部尙書三山林潮爲序所採體例雜糅榛楛勿剪殆書帕本之屬歟有全美私印勉齋兩圖記

初唐詩三卷

明刊本

湯稼堂藏書

後學信陽南溟樊鵬編集京山少泉王格類修潼川篤齋湯紹恩校正

天一閣書目載此書明樊鵬編集自序稱嘉靖癸巳督儲濠梁與關中李子宗樞相與評古今詩李以初唐爲稱適與余契乃專取開元閒詩編爲三冊凡若干人題曰初唐詩云按校正者湯公紹恩守紹興時開三江閘者古黃周宏祖古今書刻湖廣德安府列初唐詩殆卽此刻歟有湯礪一印

文苑春秋四卷

明刊本

相臺崔銑輯

是編取漢帝伐楚之告迄明太祖諭中原之檄凡一百篇以非
關世教人心者不錄故曰春秋蓋文章正宗之輿臺也前有嘉
靖丁酉自序有一印曰完素

春秋詞命三卷

明刊本

明句茨守溪王鏊編輯雲間後學周明與注

前有正德丙子夏王鏊自序云予讀左傳愛其文而尤愛其詞
命當春秋時諸侯大夫朝聘宴饗征伐會盟類以微言相感觸
其詞命往來亦皆婉而切簡而莊巽而直雖或發於感憤然猶
壯而不激屈而不撓詞窮矣然且文焉遁而飾偽而恭誣而近
正於戲何其善於詞也其猶有先王之遺風乎孔子曰不學詩
無以言讀此編者亦可以有言矣後雲間周叔魯從而注之曾
經黃氏千頤堂徐氏傳是樓兩書目著錄若四庫則未收入

也

宋涪溪勝覽集一卷

正德刊本

敘州府學訓導楊銳纂集宜賓知縣曲陽方春校刊

宋豫章黃文節公庭堅紹聖初以修史事貶涪州別駕移戎州安置敘州之東夔江之岸有祠有山有亭有溪名俱涪翁也後人景仰而題詠之集成此卷正德十三年提督四川軍政監察御史瑞陽熊相尙弼爲序有我行我素陽舫珍藏二印

文則四卷

嘉靖刊本

前進士巡按直隸監察御史莫南張雲路編

前有嘉靖乙卯秋雲路自序余按歷江左暇以試士因選而授當塗尹卜子梓焉俾篤志之士有得焉檢其文爲序爲論爲表爲策爲書爲雜著凡六類漢唐宋明之文皆錄之後有太平府知府任有齡跋

風雅逸篇十卷 明鈔本

明楊慎編是編著錄於天一閣書目注曰刊本此出明鈔前有東吳周復俊序復俊者嘗著東吳先賢記全蜀藝文志者也慎自有後序首皇帝彈歌至伯夷采薇歌爲第一卷琴操歌謠詞曲三十一篇爲第二卷石鼓歌十章爲第三卷逸詩篇名斷章存者十篇有句亡篇名者四十四條爲第四卷經傳所載孔子歌辭及諸事涉孔子者二十二篇爲第五卷魯衛齊晉鄭宋吳趙成徐秦楚君臣民庶婦女胥靡俳優雜歌謳操曲誦祝相曲爲第六卷第七卷古諺古語古言鄙諺鄙語野語俗語故語名語不恭之語百五十條爲第八卷荀卿成相雜辭三章危詩一章附蘇秦于秦詩爲第九卷葛天氏八閔訖於師延滌角有篇目逸其辭存其名義爲風雅篇十卷終焉

文編六十四卷 嘉靖刊本

荆川武進唐順之應德甫選批

是編由周迄宋之文取而分類排纂凡所別擇具有精義其嘉靖丙辰自序有云不能無文卽不能無法是編者文之工而法之至也學者觀之可以知所謂法矣有趙氏鑑藏賀子秦藏書兩印

輔臣贊和詩集一卷

舊鈔本

前有嘉靖七年正月四日御製序曰去年除夕以殘冬已盡陽和回春遂賦五言一律以示楊少師一清以望其輔導交修之意一清遂與遷璉鑾恭和以聞但其中頌朕太過愧受之云御製詩一章少師大學士楊一清少傅大學士謝遷尙書大學士張璉侍郎學士程鑾各恭和詩一章嘉靖六年正月六日楊一清謹後序摹有廣運之寶欽文之璽後有宗稷辰跋云右楊文襄所書明世宗序輔臣贊和詩詩倡於嘉靖六年除夕刻於七

年初春文襄奉敕序刻者也文襄爲楚僑人與東山西涯兩公爲鄉里遂名三傑興獻皇素稱之世廟初因以耆德召起由三孤進首輔以繩愆糾違相倚任蓋信之有素也當議禮之始文襄然藁峯言藁峯倚老成人引爲援助乃薦相屬謝文正致隱然成水火此時張謝同廢和曾未幾而譏人具錦卽願拜之同寮謝旣罷歸公與張永誅大姦安宗社之功反以交結獲罪甚矣反復之人不可與共天下事往往如此良可歎也卷末有崔侍郎可無譏已文正後人藏此帙今歸鄭文學師虔此從而影寫者也

唐百家詩一百卷

明翻宋本

百家者初唐首太宗次虞世南許敬宗李百藥楊師道秦思恭劉廷芝王勃楊炯廬照鄰駱賓王喬知之陳子昂杜審言沈佺期宋之問李嶠蘇頌張說張九齡王維盛唐首元宗次崔顥李

顏祖詠孟浩然王昌齡常建顏真卿崔曙嚴武中唐則郎士元
皇甫冉皇甫曾司空曙李端耿湓嚴維靈一皎然韓翃包佶包
何顥況戎昱李益于鵠戴叔倫權德輿武元衡羊士諤張祜馬
戴秦隱君呂溫張籍李賀李嘉祐晚唐則劉滄盧仝朱慶餘周
賀喻臯項斯曹鄴李洞李昌符李山甫崔塗張喬張蠟邵謁劉
駕李咸用劉義蘇拯章孝標于濟李建勳魚玄機羅虬比紅詩
貫休齊己無可曹松鄭兼鄴巢王周于鄴儲嗣宗章碣伍喬姚
鵠李遠羅鄴林寬周曇劉威秦韜玉殷文珪石嘉靖庚子秋華
亭朱警東愚識云先大人馳心唐藝篤論詞華乃雜取宋刻裒
爲百家初以晚唐諸子格卑欲加刪易林巨薄暮遂成遺志小
子前薄未敢輕議友人徐君伯成獻忠作唐詩品一卷論三變
之原委探諸子之襟意各深其義如抵諸掌乃循其所尙差其
品目於舊本之外補入十二家而以徐君所撰冠諸端按季滄

董朱竹垞書目均載唐百家詩集二十二冊華亭徐獻忠序經
雲樓書目百家唐詩并列初唐二十一家盛唐十家中唐二十
七家晚唐四十二家子目與此正同 四庫存目僅載五十家
唐詩 天祿琳瑯載唐百家詩集不著彙刻姓名凡唐人九十
八人與此皆異此本人各爲集間有各家舊序或題荷澤李龔
編亦無序跋諸人雜標名字爵里義例不一玩其版刻半出城
宏間字雖漫漶中多睦親坊陳氏書棚舊本與葉石君黃堯圃
所得校寫唐詩宋本題跋行款多合較之席刻先百數十年良
可寶貴徐獻忠一字長谷華亭人嘉靖乙酉舉人官奉化知縣
明史附見文苑文徵明傳

盛明百家詩前編一百五十三卷後編一百五十卷

明刊本

明俞憲編憲字汝成一號是堂山人又自署八八野翁無錫人
嘉靖戊戌進士官至湖廣按察使前編自序稱放歸尸居乃取

古今詩章以適志自癸亥訖丙寅搜海宇訪藝林草率摭拾得
一百六十八家詩賦詞共一萬七千餘首後集自識云自嘉靖
丙寅迄今隆慶辛未又六經寒暑再得詩一百七十餘家共詩
賦詞一萬幾千餘首武進薛應旂爲之序其中略仿殷璠例每
集每人各綴小序雖略明初詳於同時并附其二于淵沂之作
或不免鄰於標榜然在當日所錄則爲同時今日視之則已成
往古畸人碩士片玉零瓊未始非藝海中之珊瑚也卷帙旣繁
流傳易闕桐鄉嚴繼生比部辰舉此全書作一額之贈存之以
誌雅誼

文章正論十五卷緒論五卷

明刊本

巡撫大同都察院右僉都御史東萊劉祐選巡按直隸監察御史
東萊徐國校

祐萊州人嘉靖癸丑進士兵科給事中是書錄歷代古文自左

傳訖於元季以足垂法戒者爲正論以詞勝而埋末足者爲緒
論自有序及仁和鍾化民序潘可大肅騰鳳後跋

詞海遺珠四卷

萬曆刊本

鳴野山房藏書

海陽勞堪編東陽王乾章校

堪字道亭江西德化人嘉靖丙辰進士官至副都御史前有萬
曆三年自序稱柴桑人云上嘉古僞著作登壇片賦隻詞本難
量采勒鏡斷礪石鼓逸文散著禮官間藏名嶽垂光金石懸景
春秋殘簡流芬鴻編脫燬役車踐訪夜燭蒐獵諸聞見委於
疏記圓珠全璧當是遺珠浙東震所王乾章序謂南康守盧君
整節推吳君邦刻之有鳴野山房一印

古詩紀一百五十六卷附詩紀匡謬一卷

萬曆刊本

北海馮惟訥彙集鄒郡吳琯校訂

惟訥字汝言臨朐人嘉靖戊戌進士官布政使加光祿寺卿惟

謂竭生平之精力爲此書凡古逸十卷漢十卷魏九卷吳一卷
晉二十四卷南則宋十一卷齊八卷梁三十四卷陳十卷北則
魏二卷齊二卷周八卷復合而爲隋十一卷外集四卷則仙真
神鬼之什人各敘其略與詩之所繇作又采昔人之所統論及
品藻雜解辨證而復志其遺爲十二卷合而名曰詩紀書成灑
敬刻之陝西行臺不能精審萬厯中吳瑄與鄉人謝陞江都陸
弼吳郡俞策校而復刻於金陵大約吳居其資而謝陸俞居其
力吳郡王世貞撰序有凡例及引用書目先有嘉靖戊午張四
維序四維字子維蒲州人嘉靖癸丑進士官大學士附有詩紀
匡謬一卷 國朝馮舒撰因李攀龍詩刪鍾惺譚元春詩歸所
載古詩輾轉沿誤其源皆出於古詩紀因作是書以匡之凡一
百一十二條有錢江何氏夢華館藏一印

西湖八社詩帖一卷

精寫本

羅鏡泉藏書

前有嘉靖壬戌春三月十洲山人方九敘撰序一社友爲祝時
泰號汝亨閩人高應冕號穎湖仁和人王寅號十岳新安人劉
子伯號望陽仁和人方九敘字禹績錢塘人童漢臣字仲良錢
塘人沈仕號青門仁和人一社地曰紫陽曰湖心曰玉岑曰飛
來曰月巖曰南屏曰紫雲曰洞霄各以近地名勝屬焉分一人
主之一社納南山湧金城外北山昭慶寺候齊舟輿隨便只一
僕隨之遲到罰每會輪一人主之肉食豆三蔬食豆三果餌隨
設酒數行會閒清談山水道藝語塵俗者淨一大白詩題止取
卽景不取遠括要在古雅後有童漢臣跋中列春秋二社詩有
羅鏡泉以智手校字

唐雅二十六卷

嘉靖刊本

明張之象編之象字月鹿一字元超華亭人以太學生選授浙
江布政司經歷前有嘉靖辛丑四月華亭何良俊序錄唐君臣

唱酬詩賦自武德至開元帝王七人公卿一百六十八人宮闈
八人外國二人分五十二類是時七子之派盛行故必遵其盛
唐爲說也前有大明嘉靖壬子歲直隸常州府無錫縣置版一
行

東壁圖書府十二家唐詩二十四卷

明刊本

永嘉張遜業有功校正江都黃序子篤梓行

凡選王勃集二卷楊炯集二卷蕭頤鄰集二卷駱賓王集二卷
陳子昂集一卷杜審言集二卷沈佺期集二卷宋之問集二卷
王摩詰集二卷孟浩然集二卷高適侍集二卷岑嘉州集二卷
遜業爲張字敬之子當時錄選必多善本天一閣書目有其書
其題後云王楊盧駱沿六朝之習爲天賦之才實一代聲律之
發礪自是文運益昌乃有陳杜沈宋倡於前王孟高岑繼於後
當時指武德貞觀爲初唐天寶貞元爲盛唐元和開成之末曰

晚唐則十二家者又唐之可法者歟爰重梓之朱竹垞曝書亭
集部目錄開收其零種似明末已見重於詞壇矣卷末有同閩
姓名如陳雀史起蟄張襄方可立王應辰聞得仁王一夔張遜
膚王叔果王叔杲朱廷棟方九敘謝敏行沈仕朱永年侯一麟
黃一鵬張郇張承明半皆杭人蓋當時刊版於杭州也

唐詩類鈔八卷

嘉靖刊本

鈕氏世學樓藏書

嘉靖壬辰五月吳興顧應祥序云襄城楊伯謙唐音分別始音
正音遺響非合作者弗錄予自人仕以來每攜一帙自隨然中
唐以後多有傑然膾炙人口者俱不見錄考諸別集苦於檢閱
乃取唐詩品彙三體鼓吹及真西山文章正宗所載摘其中閒
爲世所稱者附入數首仍以五七言古風近體各爲一類俱以
世代爲先後名曰唐詩類鈔云序後列詩人名氏一卷凡二百
三十有八略述仕履厥刻甚精有會稽鈕氏世學樓圖籍一印

釣臺集八卷

嘉靖刊本

東陽縣知縣吳希孟編

謹按 四庫存目載釣臺集凡二一萬歷丙子陳文煥編一萬歷十四年楊東編此集乃霍少宰額屬東陽令吳君希孟編成於嘉靖十四年前於文煥刻時四十一年疑因宏治間程敏政本重加補刊以成此書 四庫獨未著錄似乾隆閒傳本已稀也一卷爲傳碑記二卷爲對論題跋三卷爲祭文銘贊辭賦四卷至八卷爲各體詩後來楊東即本此復加刪補今一展卷嚴灑清風千載如接矣前有霍額題道南序後有徐階跋

全蜀藝文志六十四卷

嘉靖刊本

汪季直藏書

明周復俊編復俊字子嶺崑山人嘉靖壬辰進士官至南京太僕寺卿嘗著東吳名賢記宋慶元中四川安撫使袁說友等集成都文類五十卷中尙未備復俊按察蜀中更拾其遺而補其

缺蒐羅既備考證亦精嘉靖辛丑九月博南山成成都楊慎序
有跋硯齋圖書印摛藻堂藏書印古香樓休甯汪季青家藏書
籍諸印

唐宋元名表四卷

嘉靖刊本

明胡松編松字汝茂滁州人嘉靖己丑進士官至南京吏部尙
書諡恭肅明史有傳前有嘉靖壬寅松自序蓋提學山西時選
輯古名臣表詞爲士子程式也又有上黨李新芳序

明初四家詩四十卷

萬曆刊本

右高太史大全集十八卷有景泰元年劉昌序洪武三年謝徽
王偉缶鳴集二序楊孟載眉庵集十二卷有成化二十年江朝
宗序繼以張來儀齋居集四卷徐幼文北郭集六卷前有萬曆
己酉閩中謝肇淛總序云高安陳德遠觀察醉心藝圃蒐厥遺
編而天都汪孟樸太學樹的藻林授之剗剗陳邦瞻更有前序

云明初四家者世所稱高楊張徐四先生蓋以比唐初四子也
四家之作季迪最稱雄渾多奇氣孟載藻麗饒情思來儀幼文
並清新流易絕出塵壘雖所長各異其卓然爲一代正始之音
均也與四君並起者青田劉基秦和劉崧閩林鴻粵孫蕡其尤
著云汪汝濱後跋云匡左陳先生秉憲於浙屬濱物色季迪集
先生已得之洪給諫來儀幼文二集尋得之吳興楊氏獨孟載
集歷吳荆楚遍訪之竟寥寥也抵金陵聞許石城家有藏本昔
爲文徵明所贈百數十年始得歸濱記之以見求書之不易
十家唐詩十卷 萬曆刊本

新安畢效欽增定秣陵顧起元校正

前有萬曆辛卯新安方宏靜序又萬曆戊申江甯顧起元序金
陵朱之蕃序萬曆壬辰新都畢力忠自序所選十家初唐爲李
嶠張說張九齡蘇頌盛唐爲儲光羲李頎常建崔顥王昌齡祖

詠其所據之本皆宋元舊刻足備讐校異同

唐宋八大家文鈔一百四十四卷

萬曆刊本

明行人司藏書

歸安鹿門茅坤批評

坤字順甫歸安人嘉靖戊戌進士官至大名兵備副使明史入
文苑傳坤治古文最宗唐順之順之文編唐宋人惟取韓柳歐
三蘇留王八家坤有所稟承凡選韓文公文十六卷柳柳州文
十二卷歐陽文忠文三十二卷王荆公文十六卷曾南豐文十
卷蘇文公文十卷蘇文忠文二十八卷蘇文定文二十卷每家
各刊本傳各爲序引自撰總序二篇坤甥顧爾行題辭坤姪一
桂著文旨首列凡例中附評語萬曆己卯刊版杭州故無五代
史鈔附入有行人司圖書記萬曆戊申春行人司查明兩宋記
攷問吏行人司隸鴻臚寺凡出使官屬必採書籍歸司每歲查
檢蓋截卷端此萬曆戊申距刻書時才二十有八年不獨有殊

乎坤孫茅著之重雕且得考見明代官書制度之一端也

吳郡文粹續集五十六卷補遺一卷

舊鈔本

長洲錢穀叔寶編集

靜志居詩話稱穀家貧無書遊文徵明之門日取插架書讀之
手鈔異書最多嘗蒐羅詩話文集諸書以及遺碑斷碣
鄭虎臣吳郡文粹續輯是編分二十一門其于允洽字功甫繼
而益之吳中文獻賴以不墜 四庫著錄本第五十三四兩卷
俱佚第五十卷亦殘闕此猶完善也

六朝詩集二十四家無卷數

嘉靖刊本

是編前有嘉靖癸卯薛應旂序但論六朝詩法而不言彙詩若
千家又無總目不能知其是全是闕其中多從宋本出者如謝
宣城集五卷與吳寫所刊宋本對看無毫髮差餘則二陸陰何
校以宋本一一吻合偶見絳雲樓書目總集類載此書後附細

目錄知二十四家已全凡梁武帝文帝宣帝元帝後周明帝陳
后主隋煬帝陳思王阮嗣宗嵇中散陸士衡陸士龍謝康樂謝
惠連謝宣城江文通劉孝綽劉孝威沈約何水部陰常侍王子
淵庾開府鮑照皆有詩無文故曰詩集有安石一印

明百家文範八卷

萬曆刊本

東陽王乾章選

前有萬曆三年山東布政使潯陽勞堪序云震所王大夫績學
好文詮次近世詞賦諸體命曰百家文範刻而藏之白鹿古洞
有王業浩印千秋館家在九峯高處三印

武林怡老會詩集一卷

舊鈔本

羅鏡泉藏書

萬曆十六年戊子冬仁和張瀚序云唐香山九老賦詩同游僅
七人繪圖畫像流傳迄今使人羨慕余歸休數年與同鄉諸縉
紳修怡老會至幾二十人集余嘉樹里第已而訂爲四會選勝

湖山選爲主賓閒賦一詩不必盡成事或相妨不必盡至陶陶然謂爲山澤散人各寫顏貌稍列官游述所賦詩載諸後矣錢梓成帙各存一本遺諸後人云海昌沈友儒爲後序首會約六則畫像者爲韋泉潘公翊伊府長史年九十原泉褚公相江西饒州府同知年八十四桂峯沈公蕃福州府通判年八十三介亭顧公楫沙縣知縣年八十二玉泉王公體坤中書舍人年八十一祁陽孫公本深州知州年八十一元洲張公瀚吏部尙書年七十六上湖鄒公鑑南陵縣知縣年七十六春城朱公璣淮安府同知年七十五麟洲張公洵吉安府同知年七十五蒙山饒公瑞卿四川龍安府推官年七十五南泉沈公友儒揚州府同知年七十二青陽吳公泉周府長史年七十二少崖許公嶽廣東按察司副使年七十一凡十六人未畫者祇金鍾張溥錢文昇三人春會詩十八人夏會詩十四人秋會詩十五人冬會

詩十二人凡詩一百三十一首存此以傳武林耆德嘉會有江東羅氏所藏一印

歷代文紀十四部二百四十八卷

明刊本

李伯雨藏書

江東梅鼎祚纂輯勇士都校閱

鼎祚字禹金宣城人國子監生是書前有崇禎己巳陳繼儒序云昔北海馮惟訥詩紀出得百五十六卷王弇州序成示余盍不纂文紀以配之余謝不敏客曰宣城梅禹金曾力任之果賈十年餘勇蒐引討索採綴詮綜以述爲作而成是書禹金歿其子無暇欲易產刻其書猶以博碩浩衍不無詘於時力而望之機緣應響者斯又難之難又有吳伯與序凡皇朝文紀十三卷甄錄上古迄秦代之文西漢文紀二十四卷文有班馬所未載者東漢文紀三十二卷廣採隸刻碑銘古鹽陳泰來有序三國文紀二十四卷有崇禎乙亥豫章李右讜序西晉文紀二十卷

晉人多著清談此編所錄討論禮典獎勵風俗者獨多有崇禎
庚午詹應鵬序序文不及東晉宋文紀十八卷所錄可以見文
質升降之轉關後附無名氏及吐谷渾等國奏表有崇禎十年
晉陽張煊燕中周維新與東張溥三序乃禹金之孫朗中詩序
南齊文紀十卷輯蕭氏一代之文兼及金石譜刻梁文紀十四
卷是集實四六之祖考證亦頗典核陳文紀八卷輯武帝以下
諸家文而殿以姚最讀書品後魏文紀二十卷有崇禎壬午四
明徐之垣豫章漆嘉祉兩序序稱搜輯者心澀決抑例嚴進退
幾費苦心絕非爲拓跋氏在也北齊文紀三卷自高歡迄鄴
元偉止零篇短札流傳本少非採輯之暇後周文紀八卷庾信
文居其半王褒外落落如晨星矣崇禎庚寅秋分華陽周鑣合
北齊後周兩紀爲之序隋文紀八卷開有唐初諸家作爲姚鉉
文粹所未收者釋文紀四十五卷裏合隋以前釋氏之文及諸

家爲釋氏而作者從弟梅膺祚誕生參訂并撰序時在崇禎辛未案千頃堂書目所載梅氏文紀十一種外又有三國文紀東晉文紀後魏文紀俱不列卷釋文紀止稱十五卷四庫著錄亦無三國東晉後魏三紀天祿琳瑯所儲有三國而無南齊梁陳北齊後周隋至北魏一代兩本俱闕并云鼎祚當日曾否有書己未付刻并無可考據矣今此帙得自宛陵李伯雨駕部之卯李眉生廉訪鴻裔吳頌晉太守恆爲之作緣中有明善堂安樂堂藏書印又有海昌楊芸士文蓀收藏印止闕東晉一紀又凡例云釋道各輯爲紀然則尙有道文紀乎書囊無底來日無窮當癡心俟之

古樂苑五十二卷附衍錄四卷

明刊本

西吳梅鼎祚補正

是編本據郭茂倩樂府詩集補其闕佚正其譌舛其始自黃虞

訖於隋代則倣左氏克明舊有樂苑其名近雅因名之曰古樂苑第一卷首別標前卷若卿雲龔山商歌獲麟等篇郭本混入歌謠悉爲釐正未附衍錄四卷則記名賢論著品藻及作者名氏行履略具始末有新都汪道昆序鈐有聽鍾樓藏韓崇曾觀二印

香雪林集二十六卷

萬曆刊本

允明王思義集

此書前有萬曆乙巳王圻序云先王父石泉公性嗜梅嘗栽數本娛弄朝夕先大夫怡朴公承先志於居後闢園數畝栽可二百本蔚然成林余方宦游未暇日涉其閒兒子思義能以誦讀之暇稍加培護而騷人韻侶倘佯吟嘯且披集古今題詠若詩若歌若賦若圖譜漸次成帙因授之梓以永其傳思義亦自有序按圻字元翰上海人嘉靖乙丑進士官至陝西布政司參

議思義始末未詳浙江採集遺書總目曾列其書是已進之

四庫

好我篇二卷

萬曆刊本

上洛王朝賤養明甫集

前有園林圖乃宋朝賤集其上洛園林游賞投贈諸篇而編也
王別著青藜齋集二卷二書不見於千頃堂書目卽列朝詩集
明詩綜亦無其名攷明史周定王櫛太祖第五子其子莊簡王
有燦封胙城子端懿王子粦封臨汝子莊惠王同傑封上洛子
榮定王安漢不復分封子康裕王睦楹子恭靖王勤謙子卽朝
賤於萬曆三十二年襲封爲有燦之第七世孫也王字養明而
不著諡殆後遭流寇之亂而不及議歟好我篇印用靛色尙是
初刷傳本之稀益可知矣

明僧宏秀集十三卷

明刊本

虞山毛晉子晉父編

崇禎十六春晉自序李鄭唐僧宏秀一帙宋元以降幾乎絕緒
明白愛國先宅建業太祖高皇帝詔天下大浮圖宗泐宏道繼
集鍾山展寶座聖製首出華梵磨歌聳天人龍鬼之聽所謂法
音雄富羣立岬嶮未有盛於昭代者也自是假軀軀力成文句
身登燈相續可稱人宏才秀者得一百九十七人詩一千七百
首有奇集一十三卷非敢追躡泐父之規云按榮陽悔道人輯
汲古閣核刻書目補遺一卷後有明四秀集曰國秀宏秀隱秀
閨秀爲汲古主人自著未刻邑中好事者閒有藏本此惟宏秀
一刻似悔道人初未寓目傳本旣稀沉經劫後不更可寶歟

金文最一百二十卷

舊鈔本

昭文張金吾編次

月霄藏書旣富考證尤精嘗以文選而後唐粹宋鑑元類明衡

四編之外尙闕金源一代因宋集金史金集禮帛伐錄三朝北
盟會編諸書凡山經地志金石牌版醫書譜錄雜家小說旁及
二氏之藏外藩之書無不甄錄合之拙軒等五集分類編次勒
成一百二十卷取公羊傳注最聚也之意名其書自序後列凡
例十六條尤爲詳核有阮元英和陳揆黃廷鑑四序昔吾杭杭
莖甫太史撰金史補而不成秀水莊舍人仲方輯金文雅採錄
未廣今斯帙亦足備完顏氏一朝之藝文也近粵東已有刊本
此則道光閒所寫耳

戴鹿牀選宋元四家詩四卷

戴文節手鈔本

四家者宋林君復姜白石王元章元倪雲林也鹿牀名熙字醇
士錢塘人道光壬辰進士累官兵部侍郎殉戾申粵匪之難贈
尙書銜謚文節文節善山水曾供奉南齋者此乃選備題畫
之什故多選近體此四種乃其手鈔小楷精工并鈐酷士戴熙

二小印忠義之氣尙躍然紙上也

右總集類下

集部十九

文心雕龍十卷 嘉靖刊本 張紹仁吳聖鳳校跋

梁通事舍人劉勰彥和述

勰東莞人自言嘗夢執丹漆之器隨尼聖南行寤思數讚聖旨莫若注經而馬鄭諸儒宏之已精惟文章有裨經典於是論著古今文體以成此書出示沈約約大重之謂其深得文理凡十卷合篇終序志爲五十篇前有嘉靖庚子方元楨序後有萬曆癸巳朱謀瑋跋末有錢功甫記云此書至正乙未刻於嘉禾宏治甲子刻於吳門嘉靖庚子刻於新安辛卯刻於建安癸卯又刻於建安萬曆己酉刻於南昌至隱秀一篇均之闕如也余從阮華山得宋本鈔補始爲完書甲寅七月廿四日書於南宮舫

之新居時年七十四歲更有房守居士題識四條此卽功甫記稱之新安刻本也功甫諱允治吳人醫室子有青箱世業住世忘世居塵出塵讀吳齋張紹仁印學安諸印吳翌鳳借校一條百家詩話總龜前集五十卷後集五十卷

舊鈔本

汪闓原藏書

宋龍舒散翁阮閱宏休編

閱字宏休自號散翁舒城人嘗爲郴江守見茗溪漁隱叢話

四庫所收前集四十八卷四十一類後集五十卷六十一類爲明宗室月窗道人所刊天祿琳瑯書目載書凡百卷前集五十卷分四十五門後集五十卷分六十門月窗本譌舛特甚此本鈔手極工云云今本與天祿書目卷數相同惟前集多苦吟一類少詩病一類後集多御宴一類而鈔手拙劣魯魚成隊非精校不能悅目特較月窗本爲全耳

增修詩話總龜九十八卷

明嘉靖刊本

馬笏齋藏書

龍舒散翁阮閱宏休編明宗室月牕道人刊鄱陽亭梧程玠舜川
校

月牕爲高皇六世孫玠楚郡弟子員前有山東海道副使鄒陽
李易序又嘉靖甲辰江西饒州府同知海鹽張嘉秀序及玠後
跋稱龍舒阮子集百家詩話總龜前卷四十有八後卷五十實
鈔錄未傳之書也月西殿下樂善嗜古見而珍愛亟欲與四方
風雅之士共之延玠校讎誘外芟別重冗而書諸梓云卷末有
寫書貴溪姜輔周刊字番易某某樂平胡澁等名有馬玉堂觀
一印

王公四六話二卷 蘇舜欽鈔本

宋王鈺撰鈺字性之汝陰人自稱汝陰老民紹興初以薦詔視
秋史官給札奏御爲樞密院編修官是書前有宣和四年自序
所論多宋人表啟之文但舉工巧之聯不尙氣格與法律也自

來專論四六之書此爲權輿

艇齋詩話一卷

勞季言校

胡氏活字本

南豐曾季狸表甫

陳振孫曰曾鞏之弟曰湘潭主簿宰宰之孫曰大理司直晦之季狸其子也是書直齋書錄解題文淵閣書目讀書敏求記俱著錄近則罕有傳本此勞氏季言校胡心耘活字刻本

珊瑚鉤詩話三卷

舊鈔本

宋槧本題曰朝請郎通判常州軍州事賜緋魚袋張表臣撰此從之影鈔表臣字正名單父人紹興中終於司農丞生前猶及與陳師道晁補之游傳其緒論具有根柢嘗編刻張右史集七十卷又與秦檜之子熺友善其攀附名貴之情可知也書中多述雜文瑣事不盡論詩之語珊瑚鉤則取杜甫文采珊瑚鉤句耳

石門洪覺範天廚禁燭三卷

正德刊本

蕭山十萬卷樓藏書

宋釋惠洪撰惠洪有冷齋夜話已著錄 四庫是編入附存目

皆標詩格而以唐宋舊作爲式嚴滄浪頗不足其書此本正德

丁卯東川黎堯卿跋云天廚禁燭頗得三昧法勝國前有摹本

今亡矣予得鈔本訂正秣陵進士張天植遂成吾志刻之有王

宗炎印

藏海詩話一卷

舊鈔本

宋吳可撰

可字思道金陵人官至團練使責授武節大夫致仕詩爲蘇軾

劉安世所賞有藏海居士集二卷漁隱叢話詩人玉屑均未採

錄此書沈晦已久此 四庫館輯永樂大典之底本也有翰林

院印

韻語陽秋二十卷

正德刊本

王誥士藏書

丹陽葛立方常之

立方與弟立象同登紹興戊午進士官至吏部侍郎丹陽人徙吳興泛金溪上爲清孝公書思孫文康公勝仲子文定公淵之父也是書成於歸休之後有隆興甲申自序歿後嘗見夢於武夷徐林因爲撰序而沈珣亦序之自漢迄宋凡篇詠之傳者輒爲研覈其是非工拙而人品之高下時事隆污亦閒附焉不特爲辭句評也版刊於乾道中明正德二年同邑同譜諶字允夫得而鈔木句吳都穆復爲新刊序直齋書錄著其目讀書敬求記雖載之而無所發明也有文字禪湛廬藏書二印

碧溪詩話十卷

盧抱君校聚珍本

宋黃徹撰

徹字常明莆田人登宣和甲辰第授辰溪縣丞升縣令辟差沅州軍事判官攝倅事歷宰麻陽嘉魚平江後忤權貴棄官歸寓

興化之碧溪張浚辟之不就徹論詩本於風教不尚雕華前有
自序及乾道四年陳俊卿序後有黃廌黃永存黃憲聶榮四跋
有捫經堂藏武林盧文弨手校兩印

唐詩紀事八十一卷

明嘉靖刊本

錢塘洪樾校

前有潛園居士臨邛計敏夫有功自序云唐人詩家著名後世
殆不滿百其餘滅沒失傳蓋不勝數敏夫閉居尋訪三百年間
文集雜說傳記遺史碑誌石刻下至一聯一句悉搜採繕錄開
捧宦牒周遊四方名山勝地殘篇遺墨未嘗棄去紀次姓氏僅
可紀一千一百五十家篇什之外其人可考卽略紀大節庶讀
其詩知其人先成八十一卷目曰唐詩紀事嘉定甲申懷安假
守王禧慶長得其書錢梓郡齋年遠版灑書遂罕傳明嘉靖乙
巳錢塘洪子美櫬筒藏懷安初本重爲雕繕浙江提刑按察副

使校理學政汾陽孔天允爲之序按有功字敏夫安仁人嘗於
紹興五年知衢州提舉兩浙西路常平茶鹽公事張魏公浚之
從舅也

觀林詩話一卷 明鈔本 宋修伯藏書

楚東吳聿子書

直齋書錄解題吳聿未詳何人文獻通考吳聿作張律自來傳
本極罕藝林絕無援引其學本於元祐每多稱述蘇黃曾三異
同話錄載余子清祖仁廊作三角亭詩有夜欠一簷雨春無四
面花句此書亦載則爲南宋初所作也故所論至賀鑄汪藻王
宣而止考證典核足稱佳本右爲 四庫館發還進書家收藏
之帙有翰林院印及塘棲朱氏結一廬收藏圖書朱學勤修伯

甫兩圖記

四六談塵一卷 明刊本

靈石山藥寮

直齋書錄解題載此書爲謝伋景思撰伋上蔡人官至太常寺少卿乃良佐從孫克家之子也前有紹興十一年仍自序其論四六以命意遣詞分工拙較勝王性之所著也

環溪詩話一卷

舊鈔本

塘棲朱氏藏書

右宋撫州布衣吳沆所論詩法而其家子弟編次成書也沆字德遠臨川人或稱崇仁人博通經史隱居環溪紹興十六年嘗獻所撰易璇璣三卷於朝見於玉海其詩出入陶李韓白終以杜陵爲宗主其伯兄濤仲兄洸俱有摘句載之卷中其弟澥亦著字內辨歷代疆域志一門中雅有淵源也此爲四庫館底本有翰林院印塘棲朱伯修大理轉賫也

詩人玉屑二十卷

明武林謝氏刊本

武林思山謝天瑞校正

宋魏慶之撰慶之字醅甫號菊莊建安人前有淳祐甲辰玉林黃昇叔暘序稱醅甫有才而不屑科第惟種菊千叢日與騷人逸士觴詠其間閣學游公受齋管賦詩嘉之是編作於度宗時所載南宋人語爲多足繼茗溪漁隱叢話所採北宋人語之後舊有翻宋元刻本此則武林復古生謝氏校本也

娛書堂詩話二卷

舊鈔本

趙與虤威伯集

與虤爲太祖十世孫是寧宗以後人論詩源出江西兼涉江湖宗派其閒名章秀句遺文軼事奔赴簡編開參攷證亦頗允當

林下偶談四卷

舊鈔本

宋吳子良撰

子良字明輔臨海人寶慶二年進士官至湖南運使太府少卿學於葉水心具有端緒故論詩評文之語頗多精確未有姚士

辨跋舊分八卷此併作四卷

全唐詩話三卷 明正德丁丑刊本 抱經堂藏書

舊題宋尤袤撰前有正德二年陝西布政司臨汾安淮學序云
今唐詩之傳於世者殆且百家而李杜韓柳之全集尤盛行焉
趙宋諸老又有詩話之作咸清閒有若尤文簡者乃盡唐甲子
詩人各鉤其警語摭其事實分爲三卷名曰全唐詩話而唐人
之精力殆盡於此惜乎自來無刻本未獲傳布侍御河東秦公
民望巡按陝右偶閱此書躬自校正且託強左史晟加磨對焉
而西安守劉君綱終侍御之志云晟有後跋末有本記云正德
丁丑春正月穀旦東魯鮑繼文伯正重刊於雲中教養堂按丁
卯至丁丑十年間已再刊矣中有咸清辛未重陽遂初堂書云
余少有詩癖甲午奉祠湖曲專意吟事唐人詩誦之尤習彙而
書之名曰全唐詩話未幾駢馳於外此事便廢邇來三十有八

年今又蒙恩使養湖曲因理故篋復得是編披覽慨然恍如曠昔浩歌縱談時也周密齊東野語載賈似道所著書有全唐詩話武林舊事載集芳御園後賜賈平章有秋壑遂初客堂度宗御書此跋時地相合後人惡似道之姦以遂初與尤表同名故改題文簡毛子晉踵正德兩刻之誤而刻入津逮祕書可見正譌之不易也有抱經堂藏書一印

浩然齋雅談三卷

盧抱經校本

宋周密撰

密嘗著癸辛雜識齊東野語雲煙過眼錄澄懷錄志雅堂雜鈔浩然齋視聽鈔意鈔此書上卷詩話中卷詞話下卷雜錄所記遺文軼事多爲他書所不載四庫館輯自永樂大典釐爲三卷聚珍木刻之盧抱經從而校正者也

對牀夜語五卷

明郝氏贖同鈔本 張佩兼藏書

祁承璞曠翁手識云對牀夜語五卷宋范景文著前有馮去非序稱景定三年所評詩自唐而止其揚權四始及六朝作者更詳前附去非一書謂興懷姜堯章同游時有高崑靜逸輩日夜釣遊孫道子張宗瑞輩謔浪笑傲今不能復從遊雖夢中亦不復見得見景文斯可矣則景文爲一時之名士可知余此本錄之趙元度以正德閒江陰陳沐所翻刻兩相細校字句無譌可喜也次列馮去非序并書未有正德十六年江陰陳沐新之跋又有題云舊有對牀夜語二種一鈔本後題正德己巳春季收有徵靜及雅歌堂圖書字畫亦整一本江陰陳沐翻刻活字小本後有陳跋正德十六年翻著書者宋理宗朝人范晞文字景文孤山人當是杭人也爲書五卷前有馮去非序并書予旅人也奚囊每患重而難致因合兩本細校錄之以便相從去非景文俱能長短句予所收詞紀中有其詞云有爾光一印祁所鈐

也又有禦兒呂氏講習堂經籍圖書祁氏書半歸東莊其來有自矣又有松下藏書張載華印佩兼芷齋圖籍諸印則後所鈐也

對牀夜語五卷

盧抱經校鈔本

嚴元照藏書

孤山人范晞文景文

前有景定三年十月馮深居去非可遷序次列良月二日去非與景文書次正德十六年秋江陰陳沐新之翻刻識語謹按

提要云晞文號菊莊錢塘人太學生咸淳丙寅同業李蕭規等上書劾買似道似道文致其泥金飾齋匾事竄瓊州元世祖時程鉅夫薦晞文及趙孟頫於朝孟頫應詔卽出晞文迄不受職流寓無錫以終此本爲乾隆四十年盧文弨手跋稱婦李楊以天時正炎勸其輟鈔僅三卷而止再逾日婦亡後二卷託李生續鈔并云孤山之在錢塘者則以林和靖著而此孤山則在今

常州靖江縣東北二十里山向在江中明成化時沙合始可陸
行立縣亦在此時舊則江陰縣之地也余杭人不以爲吾邑之
孤山而以爲靖江之孤山何徵乎徵於吾友江陰趙君敬夫之
言也且余所見本實江陰人爲梓是可信也有東里盧文弼抱
經堂寫校本三印又嘉慶丁卯嚴元照題語攷抱經校錄此書
尙在 四庫館書未竣之前趙敬夫據陳新之翻刻定孤山爲
江陰之地似未知景文流寓無錫故署爲孤山人且孤山杭州
之外亦不止江陰一處矣別案元釋英白雲集後題贈詩八人
其一署錢塘范晞文藥莊釋英亦錢塘人更有一重公案可證
正不可強蹈爭墩之習耳

新刊名賢叢話詩林廣記前集十卷後集十卷 明宏治刊本

蒙齋野逸蔡正孫粹然

正孫之名僅見於謝疊山集附錄中蓋宋遺老也詩話體例略

與何谿汶竹珉詩話相似惟此則評列詩後耳正孫自序列之
卷末前有明宏治丁巳張鷟序云蒙齋蔡先生詩林廣記會萃
晉唐及本朝諸家之詩長篇短章眾體咸備復取大儒故老佳
話附錄各篇之下單言隻句品議無遺誠詩學之指南也第舊
版磨滅魯魚互出因命子齊貢士較正重刊於家塾云此書槧
格精工彷彿南宋鈔本

精選古今名賢叢話詩林廣紀前集十卷後集十卷

明大字刊本
袁漱六藏書

蒙齋野逸蔡正孫粹然

前有自序作於屠維赤奮若蓋元至元二十六年己丑去宋亡
已十載矣前集載晉唐名賢自陶淵明至元微之凡二十四人
第九第十兩卷附錄八人後集載北宋名賢自歐陽修至劉放
凡二十八人皆以詩隸人又以詩話隸詩各載全篇於前引諸
說於其下目錄後有編選未盡者見於續集刊行今續集則未

見也此本版式寬大有古潭州袁臥雪廬收藏印溫葆滔印聞
中督學使者兩印

精選古今名賢叢話詩林廣記後集十卷

明刊本

蒙齋野逸蔡正孫粹然

右詩林廣記祇存後集有鈐山堂圖書印又有隆慶壬申夏提
學副使邵晒理書籍關防朱記按鈐山堂書畫記隆慶戊辰茂
苑文嘉跋云嘉靖乙丑五月提學賓涯何公機檄余往閱官籍
嚴氏書畫三閱月始畢事又天水冰山錄所記經史文集等書
凡十八部大率宋版明刻不列細目其應發各儒學收貯書籍
計五千八百五十二部套此十卷當在其中者壬申爲隆慶六
年上距嘉靖乙丑十七年晒理此書必歸之儒學之後故官爲
掌之江西通志按察司副使表隆慶開有邵公孟麟滁州進士
殆卽其人流傳三百餘年展卷若有餘腥而以之昭炯鑑供品

評亦猶悅生堂書畫鈔有葫蘆小印耳

修詞鑑衡二卷

舊鈔本

元王構編構字肯堂東平人官至翰林學士承旨諡文肅元史有傳此書上卷論詩下卷論文皆採宋人詩話及文集說部爲之構所論者惟卷末一條其中如詩文發源詩靈蒲氏滿齋錄今多不傳賴此以見梗概舊有至順四年王理序此本已佚

詩學禁鬻一卷

吳翌鳳鈔本

陳仲魚藏書

清江范德機

德機范梈字也凡分十五格每格選唐詩一篇爲式前有無名氏序後有毛表馮武及吳翌鳳題識讀書敏求記載有此書也有向山閣陳仲魚家圖書兩印

蒼崖先生金石例十卷

元至正重刊本

吳長公盧召弓藏書

鄱陽楊本編輯校正廬陵王思明重校正

元潘昂霄撰昂霄號蒼崖濟南人官至翰林院侍讀學士謚文
信是書一卷至五卷述銘志之始於品級塋墓羊虎德政神道
家廟賜碑之制一一詳考六卷至八卷述唐韓愈所撰碑誌以
爲括例於家世宗族職名妻子死葬日月之類標列其文以爲
程式九卷雜論文體十卷則史院凡例也至正四年文信子敏
中爲饒理官出手澤屬郡陽楊本編校序刊郡陽傅貴全饒州
路儒學教授湯植翁並有序謂跋卷末而學之賓師吳旭吳以
牧謂版將歸中州邦之人焉能一一見之又刻以垂久王思明
序之有草草庵收藏圖書延陵震元長公吳震元字長卿及抱
經堂印盧文昭抱經諸印按吳長公新安人與厲樊榭友善

蒼崖先生金石例十卷

影元鈔本 許氏鑑止水齋藏書

郡陽楊本編輯校正

元潘昂霄撰楊本編本字端如饒郡士人前有本序及傅貴全

湯植翁廬陵王思明序後有昂霄子濟南潘詡跋末爲繡谷吳焯識語四則中云此書元刻於潘詡爲楊本校正重刊於番陽王思明校正三刻於龍宗武摹泰和楊寅弼鈔本此從鄱陽本錄出故有思明序有德清許氏陔華堂藏書許宗彥印鑑止水齋三印

蓮堂詩話二卷

勞季言校本

海昌祝誠輯

張金吾藏書志云誠仕履未詳卷下題賣墳牆壁條有至元丁丑以來則誠爲元時人而勞季言云壽詩條稱余近觀元人壽詩卻多佳者祝果元人似本朝諸老不應目爲元人是又可疑是書所論宋詩爲多而唐與金元之作亦間及焉名篇警句多有他所未載者如卷上載金海陵王哀宋姚將軍詩云獨領孤軍將姓姚一心忠孝爲南朝元戎若解徵兵援未必將軍死尉

橋 謹按全金詩錄海陵王詩五首此詩未經採入故表而出
之右亦勞氏季言校胡心耘活字印本

文原一卷文斷一卷

舊鈔本

趙素門鮑以文藏書

明宋濂撰前有小引云浦江鄭楷趙友同義烏劉剛楷之弟柏
嘗從余學因作文原二篇以貽之潛溪集已彙刊次列校選文
章正原十五卷目錄次景泰四年浦陽趙同魯識文斷則皆論
作文之法也有目錄凡例卷首鈐有古歡書屋趙輯甯印歛鮑
氏知不足齋藏書諸印

歸田詩話三卷

明洪熙刊本

袁藏六藏書

錢塘瞿佑宗吉著

前有洪熙乙巳佑自序云平日耳所聞目所見節編所紀載師
友所說論恐久而併失因筆錄其有關於詩道者得百二十條
析爲三卷目曰歸田詩話昔歐陽公致仕後著歸田錄敘在朝

舊事今予老與農圃爲徒亦竊歸田之號地位雖殊而心事則無異也又有成化二年八十翁錢榘未訥序云同鄉宗吉瞿先生蚤以明經薦筮仕於仁和臨安宜陽三邑歷陞國子助教藩府長史無何居閒寓金臺太師英國張公延爲西賓甚加禮貌先生不以夷險易心暇日評古人篇什目曰歸田詩話其姪德恭德宣德潤共圖鉞梓持示爲序並莆田柯潛序後宏治中廬陵陳敘刻之易名存齋詩話此則成化初刊也有萬曆十八年三月江陰貢大化朱筆題字及古潭州袁氏臥雪廬收藏印詩話補遺三卷 明嘉靖刊本

升庵楊慎著門生曹命編校

嘉靖丙辰王嘉賓序云鄉先生升庵太史寓漢之日杜門卻掃以文史日娛詩話補遺三卷乃公門人晉陽曹壽甫詮次請嚴君東崖郡公授梓以傳云適地少書半出記憶雖小有舛譌然

慎學有根抵究多卓論後有永昌張含楊達之跋

豫章詩話六卷

有鈔本

許周生藏書

秦和郭子章相奎著

子章一號青螺又自號蟪衣生隆慶辛未進士官至兵部尙書是編論其鄉人之詩與詩之作於其鄉者上自古初下迄於明多據郡縣志書頗有愛博嗜奇之失前有萬曆壬寅張鼎思序四庫入存目有德清許氏陔華堂藏書許宗彥印子詠鸞藏主人醴無精舍諸印

右詩文評類

善本書室藏書志卷三十九終

善本書室藏書志卷四十

錢塘丁丙松生甫輯

集部二十

金荃詞一卷 精鈔本 何夢華藏書

温飛卿庭筠

唐自大中後詩衰而倚聲作至庭筠始有專集名握蘭金荃右一卷有無名氏跋凡詞一百四十七闕明正統辛酉海虞吳訥所編四朝名賢詞之一間取金唐詩校勘中雜章莊四十七首張泌一首歐陽炯十六首温詞祇八十三首疑是前人彙集四人之作非飛卿專集也原本爲梅禹金先生評點余從錢塘汪氏借鈔得之飛卿詞繼太白之後開延巳之先爲倚聲家鼻祖有錢江何氏夢斡館藏布衣暖茶根香詩書滋味長印

珠玉詞一卷 明鈔本 鑑止水齋藏書

晏同叔

同叔名殊臨川人景德初張知白安撫江南以神童薦真宗召見命與進士並試拔筆立成賜同進士出身累官翰林學士左庶子仁宗朝遷右諫議大夫兼侍讀學士歷遷至參知政事集賢殿學士拜同中書門下平章事兼樞密使卒贈司空兼侍中謚元獻陳振孫書錄解題載殊珠玉詞一卷毛晉刻冠六十家詞卽此本也舊有張先序今佚殊詞不蹈襲前人語而風調閑雅尤喜馮延巳詞其所自作亦不減延巳卷首有許周生題字蓋經鑑止水齋收藏者也

逍遙詞一卷

精鈔本

何夢華藏書

潘閔逍遙

逍遙大名人嘗居洛陽賣藥太宗朝有薦其能詩者召見崇政殿賜進士及第授四門國子博士後坐事遁入中條山中題詩

鐘樓寺僧疑而迹之復逸去尋出自首謫信州眞宗朝爲滁州
參軍有道遙詞一卷存者惟酒泉子十闕皆憶錢塘山水之作
東坡愛之至摘書於玉堂屏風未附到茂秀小簡一通崇寧五
年武夷黃靜記云潘閻謫仙人也放懷湖山隨意吟詠詞翰飄
灑非俗子所可仰望雖客錢塘而篇章靡有存者酒泉子十首
乃得之蜀人其石本在彭之使廳子適爲西湖吏宜錢諸石庶
永其傳又有紹定元年山陰陸子適跋語錢塘何氏夢華館藏
印乃過錄梅禹金本也鼎祚記云甲午九月十九日校新霽月
出步登靈峯寺前望長橋柳色而歸

柳屯田樂章三卷

明鈔本

梅禹全藏書

柳三變者卿撰

者卿初名三變後更名永樂安人景祐元年進士官至屯田員
外郎有樂章集九卷毛晉汲古閣傳刻祇三卷右明鈔本爲梅

禹金藏卷尾有甲午十月八日金陵所校墨筆一行有梅鼎祚印梅禹金藏書印毛刻作一卷且於上卷尾葉原本未全之詞刪削以滅其迹最爲大謬

半山詞一卷

精鈔本 何夢華藏書

臨川王安石介甫

安石晚居金陵自號半山老人半山詞清約婉麗核以爲人之折拗迥然兩轍集中桂枝香傷春怨漁家傲諸闕尤工卷首有錢塘何元錫字敬祉號夢華又號螭隱朱文大方印

張子野詞一卷

明鈔本

宋張先撰先字子野吳興人天聖八年進士晏殊尹京兆辟爲通判歷官都官郎中居錢塘嘗創花月亭張鐸湖州府志稱先有文集一百卷惟樂府行於世宋藝文志載先詩集二十卷直齋書錄解題載張子野詞一卷自明以來久罕流傳汲古閣刻

六十家詞亦無先集 四庫著錄者乃安邑葛鳴陽所輯名安陸集凡詩八首詞六十八首右明鈔本詞一百二十九闕後附東坡題跋較爲完善侯文燦編名家詞十卷阮文達嘗進之

天府此卽名家詞中之一也

六一詞一卷 明鈔本 鑑止水齋藏書

宋歐陽修撰

修晚號六一居士陳振孫書錄載其詞一卷毛晉併廬陵舊刻三卷爲一卷前有羅泌序此明人鈔本前無羅敘永叔詞溫柔適麗與花間陽春抗衡集中鄙褻之語陳直齋謂是仇人無名子所爲開誤入馮延巳作蓋二人筆意相類耳有許宗彥印白文方印

山谷詞三卷 明鈔本

南昌黃魯直庭堅

宋史藝文志載庭堅樂府二卷書錄解題則載山谷詞一卷此
棉紙藍格明鈔分作三卷殆從別本傳錄者山谷詞清剛雋永
於晏同叔秦少游外別樹一幟開傷於褻諷善惡雜陳固宜分
別觀之也

淮海詞三卷

明鈔本

鑑止水齋藏書

秦觀少游

觀有淮海詞三卷書錄解題作一卷毛晉所刻亦一卷乃雜採
諸書而成非其舊帙此明鈔三卷後有嘉靖己亥中秋南湖張
繩跋曰陳後山云今之詞手惟秦七黃九謂淮海山谷也然詞
尙豐潤山谷特瘦健似非秦比此在諸公非其至多出一時之
興不自甚惜故散落者多其風懷綺麗者流播人口獨見傳錄
蓋亦泰山毫芒耳字復舛誤頗爲辨正其有一二字不可校者
不欲以臆見輒易存闕文之意更俟善本正之

小山詞一卷

精鈔本

星鳳閣藏書

宋晏幾道撰幾道字叔原號小山臨川人嘗監穎昌許田鎮文獻通考載小山詞一卷並錄黃庭堅序 閣本序佚汲古刻者亦依惟存無名氏後跋云小山詞本名補亡以爲補樂府之亡提要以其單文孤證未爲據改此本黃序獨全稱叔原臨淄公之暮子也磊隍權奇疏於顧忌遂陸沈下世獨嬉弄於樂府之餘而寓以詩人之句法清壯頓挫能動搖人心士大夫傳之謂有臨淄之風故毛子晉云晏氏父子具足追配李氏父子云白紙藍格鈔手極工有四明謝氏博雅堂藏書謝三寶印汪魚亭藏閱書竹景庵舊而樓書畫印古歡書屋錢塘趙氏星鳳閣藏書趙輯甯印素門先生諸印

東山寓聲樂府三卷補遺一卷

舊鈔本

山陰賀鏐方回

書錄解題曰東山寓聲前有譙郡張耒序其歌詩凡三卷此本
未有錢塘惠庵王迪跋云方回樂府三卷久已失傳所傳者亦
惟侯氏本而已愛日精廬張氏藏本與侯本同皆缺中下兩卷
鮑氏知不足齋校藏者與侯張兩本僅同八首雖非原書次第
已屬罕見頃以三家藏本彙編得二百四十首錄成三卷仍其
舊名又於諸家選本中輯得四十首爲補遺一卷方回先生詞
可以十得六七矣

晁无咎詞六卷

舊鈔本

宋晁補之撰

柳塘詞証云无咎詞亦名雞肋書錄解題但稱晁无咎詞一卷
此卽汲古閣刻之琴瑟外篇六卷本仍題曰晁无咎詞陳直齋
謂其佳處未嘗多遜秦黃今讀其詞清新婉約陳氏之評爲允
姑溪詞一卷

明鈔本

卷止水齋藏書

姑溪居士李之儀端叔

書錄解題載姑溪詞一卷之儀以尺牘擅名詞亦甚工小令尤佳此明人鈔本殆出自湖南舊刊百家詞者端叔小令婉麗不減少游花庵詞選未經採入當是偶爾未見未必有心刪汰此本鈔手甚善前有周生白文小印

書舟詞一卷

明鈔本

眉山程正伯

正伯名垓其家有屋如舫榜曰書舟詞因以名宋藝文志作陳正伯書舟雅詞十一卷姓氏卷數並誤此綿紙藍格明鈔一卷與書錄解題所載合前有紹興甲寅王梅季平序正伯與蘇長公爲中表兄弟故集中雜有蘇作毛子習嘗辨之其詞麗而不賦婉而不弱不僅酷相思折紅英諸闕傳誦一時也

壽域詞一卷

明鈔本

京兆杜安世壽域

直齋書錄解題載壽域詞一卷其事蹟本末未詳觀其列於張先之後歐陽修之前則爲北宋人也汲古閣刻入六十一家詞四庫列之存目此則明人鈔本也安世詞頗傷淺弱然如喜輕漸初纔微和之折紅梅尊前一曲之下算子花庵詞選所收之訴衷情未嘗不婉約可誦

東堂詞二卷

明鈔本

毛滂澤民

滂爲杭州法曹以樂府受知蘇長公得名其詞見於書錄解題嘗以壽詞祝蔡京頗損清名澤民詞饒於情韻除東坡所賞惜外飛詞外餘亦多婉麗可誦不得以人品卑卑而廢其言也

後山詞一卷

明鈔本

彭城陳師道履常

陳振孫書錄解題載後山詞一卷與此合毛晉刻入六十家詞四庫列入附存後山自謂他文未能及人獨於詞不減秦七黃九其高自期許如此今讀其詞殊無超詣與詩之冥心孤往者相去不可道里計蓋諳有專工固鮮能合之爾美也

溪堂詞一卷 明鈔本 鑑止水齋藏書

謝逸無逸

逸詩列江西宗派復齋漫錄又載其杏花村館詞爲世所傳誦書錄解題別載溪堂詞一卷汲古毛氏詞者前有漫叟題云謝無逸臨川進士自號溪堂學古高傑文辭煅煉篇篇有古意而尤工於詩詞云云子晉跋云時本溪堂詞首蝶戀花尾望江南共六十有三闕皆小令輕倩可人今獲溪堂全集未載樂府一卷今依其章次就梓近吳門鈔本多花心動一闕疑是贋筆不

敢闌入此爲明人所鈔乃子晉所稱首蝶戀花尾望江南本并無花心動闌入尙是明時善本也

竹友詞一卷

明鈔本

謝邁幼槃

歷代詩餘云邁逸之從弟有竹友詞一卷與此本合詞僅十六闕無其兄溪堂集之富然語意清麗頗有鍛鍊之工雖不能與兄齊名亦不至同昧各夢此爲萬歷時鈔本妍雅可玩

信齋詞一卷

明鈔本

鮑以文校藏

丹陽葛鄉謙問

鄉仕履無可考詞筆婉暢頗多雅令鈔本格式甚古後有鮑以文記云乾隆己丑二月廿又五晨起從亦周所刻十名家詞勘一過積兩五句是日始見朝旭欣喜無量

初寮詞一卷

明鈔本

王安中履道

安中曲陽人進士及第宣和中累官御史中丞翰林學士承旨
尚書左丞燕雲既復授慶遠軍節度使河北河南燕山府路宣
撫使加少師靖康初安置象州紹興初復充中大夫安中爲人
炎涼反覆殊不足道然學出蘇晁才華富豔亦未可掩餘事爲
倚聲亦清和婉轉與老於填詞者未爲多讓書錄解題載其初
寮詞一卷此本雖非原第尙屬明鈔

友古居士詞一卷

明鈔本

莆田蔡伸伸道

伸莆田人忠惠公襄之孫自號友古居士宣和中官彭城倅歷
左中大夫伸詩文集世無傳本直齋書錄解題載伸有友古詞
一卷與此合伸官彭城時與向子諲相唱和詞筆亦頗近之毛
氏刊六十家詞頗多譌舛此明人鈔本紙墨古雅觀其格式蓋

三百年前物也

省齋詩餘一卷 勞氏鈔本

衡陽廖行之天民

書錄解題著省齋詩餘一卷此本毛扆從孫氏藏本校正勞權
又從七本鈔校 四庫著錄省齋集錄自永樂大典中有詩餘
較此少去一半其爲當時別行之本可知矣詞華質樸絕去雕
飾惟嫌其多壽詞耳有澠喜亭勞巽卿雙聲諸印

和清真詞一卷 舊鈔本

宋方千里撰

千里信安人官舒州發判其詞所和者皆周美成清真詞也美
成妙解音律爲詞家之冠所製諸調不獨音之平仄宜遵卽仄
聲中上去入三音亦不容相混千里和詞字字奉爲標準今檢
覈其詞亦間有參差當爲傳寫之譌考樂安陽澤民亦有和清

眞詞毛氏擬三種合刻之爲三英集惜乎未償其願也

相山居士詞一卷

明鈔本 梅禹金藏書

王之道彥猷

之道濡溪人宣和六年與兄之義之深同舉進士歷官樞密使封魏國公閣本相山集三十卷錄自永樂大典已失原編次第此詞一卷出自明鈔灼爲舊帙前有梅禹金藏書印後有甲午季秋十九日下春校朱字一行

呂聖求詞一卷

明鈔本

馮李呂濱老聖求

濱老一作渭老秀州人宣和末朝士書錄解題載詞一卷與此合前有嘉定壬申趙師芳序稱其詩寓憂國之思詞則婉媚深窈視美成耆卿伯仲耳秦少游又稱其詠梅詞不減東坡而集中不載毛子晉補錄於汲古閣刊本跋尾

樂齋詞一卷

明鈔本

鮑以文藏書

河內向錦豐之

書錄解題樂齋詞二卷向錦豐之撰各家書目罕見著錄四

庫所未收也見爾宋棧藏書記此本不分卷詞凡四十三闕鮑

以文記於末云戊子十一月初三日剪燭校一過豐之詞傳本

未廣亦頗清婉流麗雖未能與秦柳抗衡要不失爲第二流也

虛靖眞君詞一卷

精鈔本

何夢華藏書

虛靖爲三十代天師張繼先字嘉聞五歲不解言聞雞鳴忽失

笑賦詩人異之崇甯初解池鹽水溢遣使者召見書錢符投之

怒靈磔蛟死於水裔投太虛大夫不拜詔江東漕臣卽山中度

地遷建上清觀改爲上清正一宮從其學者恆數十百人見宋

濟溪漢天師世家士禮居藏書題跋云眞君著蹟宋崇甯靖康

間道藏必有是書從天慶觀信閣在席字一二號共七卷書名

語錄此殆鈔自語錄中者有夢華印記

筠谿樂府一卷 舊鈔本

連江李彌遜似之著

按彌遜家傳所撰奏議三卷外制二卷詩十卷雜文六卷與今本筠谿集合而不及樂府則此爲別行之本凡八十一首其長調多學蘇文忠渾灑雄健力矯纖穠小令亦不乏秀韻惟末載壽詞十餘闕爲可刪耳

竹齋詞一卷 精鈔本 何夢華藏書

吳興沈瀛子志

瀛少入太學歷仕四十餘年繼於王官再入郡三佐帥幕有竹齋詞一卷葉適序之此本佚有錢江何氏夢華館藏圖記子壽詞勁氣直達頗思矯滌纖靡之習惟好作理語終於斯道去之遠耳

酒邊集一卷

明鈔本

汪魚亭藏書

薌林向子謹伯恭

子諲臨江人敏中之後以欽聖憲肅皇后從姪恩補假承奉郎
建炎初遷直龍圖閣江淮發運副使爲黃潛善所斥尋起知潭
州累遷戶部侍郎以徽猷閣直學士知平江府復忤秦檜罷歸
卜築清江顏其堂曰薌林書錄解題載酒邊集一卷樂府紀聞
則稱四卷汲古閣所刊分江南新詞江北舊詞爲二卷新詞爲
紹興時作舊詞乃政和宣和間作前有武夷胡寅序謂得其集
於公之外孫汝上劉荀子卿此明鈔一卷似在毛刻之前書法
古秀有汪魚亭藏書一印

蓮社詞一卷

精鈔本

何夢華藏書

宋張掄材甫

掄南渡故老與曾旼同知閩門事自號蓮社居士直齋書錄解

題蓮社詞一卷久佚不傳武林舊事清熙六年三月十五日車駕過宮恭請太上皇后幸聚景園賞花知閣張掄進壺中天慢賞大花詞十一年六月初一日太上至冷泉堂後苑小廝兒三十人打息氣唱道情太上云此是張掄所撰鼓子詞有卽道情鼓子詞乃應詔所撰卷首九闕從花庵中興絕妙詞選錄入改其標題疑汲古毛氏所爲勞氏舜卿又從陽春白雪補壺中天一首卷末有殘缺有錢江何夢華館藏印

簡齋詞一卷

明鈔本

篋以文校藏

河南陳與義去非

與義有簡齋集無住詞一卷此明鈔本題曰簡齋凡十八闕簡齋詞以虞美人臨江仙二闕得名餘亦清空婉麗在南宋亦稱矯矯得鮑氏精校可謂佳本矣

漱玉詞一卷

舊鈔本

宋李清照

清照姓李氏號易安居士濟南人李格非之女適東武趙挺之仲子明誠有漱玉詞一卷頗多佳句末附金石錄後序毛晉刻附六十家詞世謂清照於明誠故後再適張汝舟未幾反目其事見雲麓漫鈔及繫年要錄近俞理初有事輯凡七千言辨誣晰疑洵足爲易安吐氣也

蘆川詞一卷 明鈔本

三山張元幹仲宗

宋藝文志載其詞二卷直齋書錄作一卷與此本相符仲宗詞清麗婉轉足以肩隨秦少游周美成 四庫提要云卷內鶴冲天調本當作喜遷鶯毛晉乃注云向作喜遷鶯誤今改作鶴冲天不知喜遷鶯之亦稱鶴冲天乃後人因章莊喜遷鶯詞有爭看鶴冲天句而名調止四十七字元幹正用其體晉乃執後起

之新名反以原名爲誤尤疎於攷證此本仍作喜遷鶯至灑窗
間惟稷雪此本仍作霰雪固知鈔出於汲古閣刊刻之先

梅詞一卷

精鈔本

勞翼卿校藏

朱雍

雍紹興中召試賢良有梅詞二卷此僅二十闕又不分卷疑原
本不止此數此爲後人重輯也雍詞筆意清澈不染纖塵如憶
秦娥西平樂諸闕尤雅麗可誦卷首鈐首稟卿朱文小方印

東浦詞一卷

明鈔本

韓玉温甫

韓玉有二提要辨之詳矣此詞開卷第二行題韓玉温甫四字
大誤玉於紹興初自金歸宋集載有張魏公生日上辛幼安生
日與康伯可諸闕陳振孫書錄解題載玉東浦詞一卷卽此書
也汲古閣刊頗草草如提要所舉水調歌頭容飾尙中州飾誤

飭行香子誤竹香子上辛幼安水調歌頭脫一頭字遂別立一水調歌之名此本皆不誤不脫玉詞筆淒清宛轉所詣頗深毛晉謂其比之康伯可辛稼軒非僅蘆之與無鹽未免濶視太甚矣

嬾窟詞一卷 精鈔本

東武侯寅彥周

直齋書錄云嬾窟詞一卷東武侯寅彥周撰其曰母舅晁留守者晁說之也寅紹興中以直學士知建康酒廨間尚無恙集中有詩張敬夫直閣詞可證也詞筆婉約嫺雅無酒樓歌館鶯鶯狠籍之態雖不甚著名亦南宋一時作者也

綺川詞一卷 知不足齋鈔本 勞氏校藏

若溪倪偁文舉

偁吳興人倪思之父紹興八年進士官太常寺主簿有綺川詞

一卷見直齋書錄解題及歷代詩餘詞人姓氏此知不足齋鮑

氏舊鈔有蠅魚一印

逃禪詞一卷

明鈔本

清江楊无咎補之

无咎清江人自號清夷長老又曰逃禪老人高宗時秦檜訪國恥於依附累徵不起雅善墨梅文章爲世所掩直齋書錄載其逃禪詞一卷卽此本也毛子晉刻入六十家詞頗有改易提要非之此猶明鈔舊帙未失真也

石湖詞一卷

精鈔本 何夢華藏書

吳郡范成大致能

歷代詩餘載有石湖詞文穆以詩雄一代詞亦清雅瑩潔迥異塵囂集中小令更勝於長調毛氏刻六十家詞未曾收入此卷鈔寫精雅有錢塘何元錫字敬祖號夢華又號蝶隱圖記

和石湖詞一卷

精鈔本

何夢華藏書

宋東吳陳三聘夢墩

三聘仕履無攷籍貫題東吳當是文穆鄉人耳其詞篇篇均和原韻如方千里之和周美成其清空跌宕亦不讓石湖也後有自跋一篇卷首有錢塘何元錫字敬祉號夢華又號蝶隱朱文大方印

可齋詞六卷

汲古閣鈔本

宋蘇興李曾伯長孺

右詞六卷爲汲古閣鈔本毛晉未綴跋尾當屬待梓之本王奕清曾纂刊歷代詩餘未嘗選其一闕詞人姓氏不列其名殆當日未見此書則傳本之罕亦可見矣

烘堂詞一卷

明鈔本

醜齋盧炳叔陽

炳履貫未詳陳振孫書錄解題載其詞作烘堂此本作烘堂毛
子晉亦沿其譌 四庫列之附存提要稱其詠物諸作尙細膩
熨貼子晉跋云多與同官唱和詞中喜用僻字如祥溲皺敲援
子之類異花幽鳥雖屬小品亦自可人

王周士詞一卷

明鈔本

長沙王以甯周士

按琴經室外集提要云以甯字周士湘潭人由太學生仕鼎澧
帥幕靖康初徵天下兵以甯走鼎州乞解太原圍建炎中以宣
撫司參謀制置襄鄧是編依毛晉汲古閣舊鈔過錄凡三十一
首以甯詞句法雄壯如和虞彥恭寄錢遜月鷓山溪一闕重午
登霞樓滿庭芳一闕絕無南宋浮豔虛薄之習其他作亦多類
是也此明鈔本似在汲古閣之前格墨精古雅可愛玩

松隱詞三卷

舊鈔本

曹勛

勛有文集四十卷其卷三十八至四十爲長短句外間所傳僅存首卷缺後二卷此本楷墨甚舊當是前明鈔本勛詞筆工麗集中多應制之作雍容華貴迥異歌館狎褻之態不僅來往北庭忠節可取也

東溪詞一卷 汲古閣鈔本

高登

此冊版心有汲古閣三字蓋毛晉嘗擬續刻六十家詞當寫而未梓之帙後跋亦未綴也登漳浦人宣和間太學生紹興二年廷對授富川主簿遷宰古田忤秦檜編管漳州紹興末起爲迪功郎詞筆頗傷質樸

知稼翁詞一卷 精刻本

莆田黃公度師憲

公度紹興八年進士第一除祕書省正字秦檜誣以事罷歸後官至尚書攷功員外郎此本未有清熙十六年其子沃識云公享年四十有八在時號知稼翁因以名集凡十二卷先已鈔本而此詞近方搜拾未得其半姑錄以傳後裔前有曾丰序毛晉曾刊入六十家詞此則康熙間舊鈔也

袁宣卿詞一卷

典雅詞鈔本

豫章袁去華宣卿

去華江西奉新人紹興乙丑進士改官知石首縣而卒善爲歌詞詠長沙定王臺見稱於張安國朱竹垞選詞綜隻字未收傳本之罕可知否則不應見遺也

文簡公詞一卷

典雅詞鈔本

新安程大昌泰之

文簡長於經術學問賅博發爲文章雄渾純厚與周必大抗衡

詞非公所措意而寄興之作亦復清新篤雅世少流傳汲古閣有影宋寫本爲吳興陸存齋觀察所藏此鈔自典雅詞中擬假陸本勘其異同兼補卷末缺葉也

近體樂府一卷

精鈔本

何夢華藏書

廬陵周必大子充

必大所著平園集二百卷中有近體樂府一卷文忠學問淵博著述繁富詞乃其餘事此本凡十三首筆意雍容華貴迥殊豔藝之體卷末有錢江何氏夢華館藏朱文方印

燕喜詞一卷

精鈔本

宋雙溪居士曹冠字宗臣

冠東陽人爲秦檜教其子埴與埴同登甲科未幾檜亡坐爲埴假手事覺奪官易名復赴廷試得五品仕至知郴州著有雙溪集二十卷其物類要詩十卷見書錄解題右詞前有長樂陳

彙序云同年檢正曹公文雄學與節勁氣巖三十年臺省舊人
也不辭小試來游宣慕使君大監詹公既深知之一見其文集
尤加歎賞敘銜郡庠名曰雙溪因其居也又以所著樂府可歌
於閨門之內別爲一集名曰燕喜撫其實也又有瀋熙丁未宣
城丞鈞臺詹微之序 四庫既未收朱氏詞綜亦未登隻字傳
流之罕可知矣

渭川居士詞一卷 舊鈔本

呂勝己季克

張金吾曰呂勝己仕履未詳是書亦絕無著錄者滿江紅注云
辛丑年假守沅州又云登長沙定王臺和南軒張先生韻鵲鳴
天注云城南書院餞別張南軒赴闕奏事蓋與南軒先生同時
人也辛丑當孝宗淳熙八年翟鏞又攷陳顯負暄野錄云勝己
字季克渭川人嘗爲沅州守部使者忌之中以事罷歸有別業

一區可五百畝植花竹其上號小渭川作渭川行樂詞善隸書

簾臺公餘詞一卷 勞氏鈔本

錢塘姚述堯

咸淳臨安志紹興二十四年甲戌張孝祥榜進士有姚述堯宏

治溫州府志宋知樂清縣姚述堯又縣有簾臺臺爲王子晉吹

簾之所詞當作於樂清公暇時也有玉參差館蟬含異卿諸印

文定公詞一卷 勞氏鈔本

河南邱密宗卿

密江陰軍人隆興元年進士授建康府觀察推官光宗立除四

川安撫制置使兼知成都府累遷至資政殿學士同知樞密院

事卒謚文定有文定詞一卷見歷代詩餘文定駢體鴻麗工整

有唐賢燕許之遺詞亦清轉華妙無愧作者卷首有異卿小印

克齋詞一卷 精鈔本 何夢華藏書

昔溪沈端節約之

陳氏書錄解題載其克齋詞然不詳始末毛晉刻入六十家詞跋稱花庵草堂均未採錄疑爲沈會宗之同族四庫館臣湖州府溧陽縣二志載端節寓溧陽令蕪湖知衡州提舉江東監茶濱熙間官至朝散大夫又按其詞云自笑飄零舊歲晚欲挂衣冠神武及羣玉詞書席寒宮殿一一經行處則端節固曾官京職者詞凡四十餘闕吐屬婉約頗有風致往往以調爲題猶唐末五代間之舊例耳有錢江何氏夢華館藏書一印

和清真詞一卷

精鈔本

宋樂安楊澤民

毛子晉云周邦彥當徽廟時提舉大晟樂府每製一調各流輒依律廢和獨東楚方千里樂安楊澤民有和清真詞各一卷或合周方楊爲三英集刻以行世花庵詞客止選千里過秦樓風

流子訴衷情三闋而澤民不載豈揚劣於方耶竊謂花庵選詞初無成意子晉卽以未選爲劣殆未見澤民原本故作影響之辭此本係舊鈔傳本甚罕可珍也

辛稼軒詞十二卷

明刊本

五硯樓藏書

歷城辛棄疾漫著大梁李瀛批評古岡何孟倫重校

棄疾字幼安歷城人耿京聚兵山東節制忠義軍馬留掌書記令奉表南歸高宗召見授承務郎累官浙東安撫使加龍圖閣待制進樞密都承旨德祐初以謝枋得請贈少師諡忠敏有稼軒長短句十二卷傳於世毛晉六十家詞刻作稼軒詞四卷海源閣楊氏藏元刊十二卷此爲大梁李瀛評本天一閣書目有之舊爲袁氏五硯樓所藏有廷禱之印袁氏又愷二印

竹洲詞一卷

明鈔本

鮑以文校藏

新安吳徵

徽生南宋最盛之時其時姜白石辛稼軒二詞家尤負甚名徽集中有與石湖倡和之作其爲名流推挹者久矣雖所傳僅十八闕而水滿池塘之滿庭芳十里青山之浣溪紗二闕置之白石集中亦無以辨固不必以少而見棄矣通卷有鮑淥飲朱簞校改眞佳本也

拙庵詞一卷 汲古閣鈔本

宋東平趙礪老涓師

礪老娶歐陽懋女以懋待制恩補官仕至工部侍郎嘗從范成大使北還擢知臨安府坐殿司招兵事謫饒州有拙庵雜著三十卷外集四卷見直齋書錄此詞僅十八闕版心有汲古閣三字後未綴跋始毛子晉續刻六十家未留付梓之詞也

樵隱詩餘一卷 明鈔本

三衢毛杆平仲

开嘗倅宛陵東陽二州有樵隱集十五卷尤表爲序今久失傳
書錄解題載其樵隱詞一卷毛晉刻入六十家詞凡詞四十二
闕與此鈔本相符开爲禮部尚友之子本信安人題三衢者偶
從古名也瑞鶴仙不譌瑞仙鶴滿庭芳詞注自宛陵易倅東陽
不譌東易足訂毛刻之疏

發拙堂詞一卷

明鈔本

管鑑明仲

鑑字明仲嘗節鎮嶺表直齋書錄解題載發拙堂詞一卷不著
鑑之仕履殆據長沙書坊所刻百家本也入蜀記云余前入蜀
時以江漲不可溯自陝山來極天下之艱險乃告陝州守管鑑
歸州守葉默倅熊浩及姜潛沉作礪請略修治是鑑又嘗守陝
州也

雙溪詞一卷

舊鈔本

王炎晦叔

炎所居在武水之陽雙谿合流因以自號前有嘉定十一年自序云子爲舉子時早夜治程文以幸中於有司古律詩且未暇著意況長短句乎三十有二始得一第未及升斗之祿而慈親下世以故家貧清苦終身家無絲竹室無姬侍長短句之腔調素所不解終喪得薄崇陽逮今又五十年而長短句所存者不過五十餘闕其不工可知今讀其詞質實妍雅雖未能與姜白石高竹屋方駕亦一時作手也

雙谿詞一卷 精鈔本

雙谿擬巢翁延平馮所洽熙之

熙之爲黃玉林之友詞多與玉林倡和之作玉林編花庵詞選錄其詞五闕入集中陸存齋藏有毛氏影宋本此鈔自典雅詞缺尾數葉花庵詞選有遺蛻山中桃花摸魚兒一闕西江月一

閨蝶戀花一闕可補其缺

碎錦詞一卷

汲古閣鈔本

宋李好古

好古籍貫未詳宋本結銜稱鄉貢免解進士當未嘗入仕途也詞十四闕用筆渾灑無末流纖弱之習集中若八聲甘州江城子等闕雄聲壯態彷彿稼軒所遜者生癖耳鈔手極舊版心有汲古閣三字蓋毛氏舊物也

澹菴詞一卷

汲古閣鈔本

宋胡銓

銓以不附和議上疏遠謫南方忠義大節欽仰百世詞其餘事筆頗清婉絕不傷於剛直朱竹垞詞綜未曾收及當是偶爾見遺耳此冊爲毛氏舊鈔又得曹種水朱筆校正與公之忠義合之雙美洵足輝映百世矣

竹齋詩餘一卷

明鈔本

東陽黃幾幾叔

幾一字幾仲東陽人詞中有與岳倦翁辛稼軒杜仲高叔高投贈之作遊迹則在吳楚之間毛子晉刊入汲古閣六十家詞但惜草堂詩餘不登一字亦不能攷其事蹟也幾叔詞筆沈鬱豪渾在南宋人頗近辛稼軒蓋相友既久耳濡目染幾於具體特遜其雄厚耳要非批風抹月者所及也

白石先生詞一卷

明鈔本

姜夔堯章

汲古閣所刊白石詞前有花菴詞客題云姜夔字堯章自號白石道人中興詩家名流其歲除舟行十絕膾炙人口詞極精妙不減清真樂府其間高處有美成所不能及善吹簫自製曲初則率意爲長短句然後協以音律云居鄱陽進樂書免解不第

而卒願詞僅三十四闕 四庫著錄白石道人歌曲四卷別集一卷因置附存此本較汲古冬二十餘闕亦入存目然宋以來固各本並行況此爲明鈔者耶

東澤綺語一卷

明鈔本

宋鄱陽張翥宗瑞

是書一名東澤綺語債其詞皆以篇末之語而立新名朱湛盧稱其得詩法於姜堯章世所傳款乃集皆以爲謫仙復作今觀其詞風流跌宕一往情深亦有太白憶秦娥菩薩蠻之遺此集皆鈔自花菴詞選惟卷末念奴嬌祝英臺二闕爲花菴所未選想其精華已萃於斯矣

梅屋詩餘一卷

精鈔本

勞異卿藏書

許某

某字忱父海鹽人有梅屋稿及獻醜集嘉熙間俱自爲序則爲

理宗時人矣此詩餘一卷詞筆穠豔綺麗有金荃陽春之遺意
鈔本小楷精工勞異卿以絕妙好詞陽春白雪歷代詩餘諸書
校正謬字蠅頭細字書之上下皆滿洵爲宋詞善本卷首鈐有
蕪卿朱文小方印

履齋先生詩餘一卷

舊鈔本

宋左丞相許國公宣城吳潛撰

毅夫忠謹之節炳著百世遺集原本已佚後梅鼎祚編其集爲
四卷此舊鈔詩餘一卷亦前明錄本也集中有與辛稼軒吳夢
窗張仲宗諸詞人唱和之作毅夫詞格亦與夢窗仲宗爲近在
南宋詞家當爲巨擘與夢窗白石無多讓焉而明以來不甚傳
誦殆爲功業所掩耳

澗泉詩餘一卷

明鈔本 梅禹金藏書

韓澆仲止

流著有澗泉日記集久散失 四庫採自永樂大典中得詞九十七闕此明鈔本得詞幾二百闕尙是宋時別行流傳之本朱氏詞綜一字未登迨當日未見也通卷梅禹金以朱筆點勘附以評語首鈐梅禹金藏書印朱文方印

後村詩餘二卷

明鈔本

門人迪功郎新差昭州司法參軍林秀發編次

宋劉克莊撰克莊學問頗該博文亦尙守舊格不爲江湖末派斯固詞則思矯然自異力洗鉛華大致效辛稼軒而遜其魄力雖頗縱橫排奐而一瀉無餘故張叔夏譏其直致近俗然亦時有合作擬其精美未嘗不可以藥浮豔毛氏六十家詞所刊改題後列別詞此爲明時鈔本核其格式尙從宋本出也

方壺詞三卷

舊鈔本

汗筆叔耕著

辛自號方壺居士因以名其詞有嘉定元年自序云詞至東坡而一變其豪妙之氣隱隱然流出言外二變而爲朱希真多靡外之想三變而爲辛稼軒乃寫其胸中事尤好稱淵明余平昔未嘗作詞今五十四歲自中秋至孟冬隨所寓賦之得三十篇豈亦昔人中年絲竹之意耶念與吳中諸友共之欲各寄一本而窮鄉無人儲書乃刊木以寄吾友匪敢播諸眾口也叔耕愛蘇辛之詞故涉筆頗涉粗豪間涉理語未爲當家也

虛齋樂府二卷

明鈔本

鮑以文藏書

趙以夫

以夫字用父號虛齋縉之長樂人嘉定中正奏名歷知邵武軍漳州皆有治績嘉熙初爲樞密都承旨二年拜同知樞密院事淳祐初罷尋加資政殿學士進吏部尚書兼侍讀詔與劉克莊同纂修國史汲古閣不列此詞康熙間錫山侯文燦編十家詞

集有書齋樂府一卷此明鈔本分上下二卷與歷代詩餘卷數
相合首有清祐已酉中秋以夫白序署名芝山老人鮑以文用
朱筆點勘一過

龜峰詞一卷 勢野鄉鈔本

宋陳經國

按寶祐四年登科錄第四甲第一名陳經國字伯夫小字定夫
具慶下年三十八三月十八日子時生本貫潮州海陽縣南城
坊詞後有題云長吉悼夫俱不盡其才而死世人工詞醜好卒
然而定自古勳業之士皆然重可哀也已剛父兄悼其舊作已
軼蓋嘗所以嘖嘖者惜不及見之甲辰夏五所齋陳容公儲父
又曰龜峰詞有所齋諸兄爲之跋安用復作贊語漫書癸卯冬
所作懷舊一絕繫於後陳合維善西晉風流自一家憶君魂夢
到梅花梅花深處無人迹明月一枝霜外斜又按陳容字公儲

長樂人端平初進士官至朝散大夫知興化軍耿挺不阿賈似
道嘗欲招置幕下容輒卑侮之人呼陳所翁此勞弊從知不足
齋所藏魏柳洲鈔本錄出自蟬盃一印

風雅遺音二卷

明刊本

黃堯圃藏書

宋林正大撰前有嘉泰壬戌甲子自序二篇云世以陶靖節歸
去來杜工部醉時歌李謫仙將進酒蘇長公赤壁賦歐陽公醉
翁記類凡十數被之聲歌按合宮羽一洗淨陸之習故前輩爲
之槩括稍入腔律如歸去來之爲哨徧聽類師琴爲水調歌醉
翁記爲瑞鶴仙余暇日閱古詩文摘其華粹律以樂府冠以本
文目曰風雅遺音云云 四庫列入存目提要云正大字敬之
號隨庵據卷首易嘉猷序蓋開禧中爲嚴州學官其里籍則不
可攷此本爲明初據南宋本重刊尙多嘉泰甲子陳子武一序
云居士實永嘉林君正大敬之爲道州史君之子尙書吏部開

府之孫生長華門恪守詩禮體易隨時之義故自號曰隨庵是
正大乃永嘉人也後有黃蕤圃手跋鈔有黃丕烈印蕤圃平江
黃氏圖書三印

斷腸詞一卷 舊鈔本

宋朱氏淑真

淑真海甯人文公姪女也文章幽豔才色媚麗實閨閣中所罕
見者因匹偶非倫弗遂素志賦斷腸集十卷以自解臨安王唐
佐爲傳宛陵魏仲恭爲序毛晉得其詞凡十有六調刻與李易
安並傳跋稱元夕以爲自璧微瑕豈知元夕詞乃歐陽文忠作
不知何人妄行編入誤甚

日湖漁唱一卷 精鈔本 何夢華藏書

宋陳允平君衡撰按袁清容集允平德祐時授沿海制置司參
議官祥興元年允平與蘇劉義書期九月以兵船下慶元當內

應爲怨家所許同官袁洪解之得釋其詩詞與吳文英翁元龍齊名千頃堂書目載日湖漁唱二卷此併一卷阮文達公撫浙時錄以進御有提要見孳經室外集中繼周集乾隆以前傳本甚罕以文達搜羅之博竟不可得此帙爲何夢華合鈔本有錢塘何元錫字敬祖號夢華又號蛻隱朱文大方印

西麓繼周集一卷

舊鈔本 汪魚亭藏書

蒲郎澹室後人陳允平衡仲

繼周集流傳甚罕朱竹垞選詞綜所採衡仲詞皆在日湖漁唱中未登繼周集隻字是淵博如竹垞當日尙未見其書矣其詞張叔夏以平正許之其實詞旨清婉音節亢爽佳處不僅平正也卷端有汪魚亭藏閱書一印

玉田詞二卷

舊鈔本 汪魚亭藏書

西秦張炎叔夏

炎字叔夏號玉田又號樂笑翁循王五世孫宋亡不仕工長短句以春水詞得名人因號爲張春水與賀梅子同稱佳話實則名章秀句尙不止此 四庫著錄者爲山中白雲詞八卷此舊鈔二卷有鄭思肖序仇遠後序卷首鈐汪魚亭藏閱書一印草窗詞一卷 舊鈔本 汪魚亭藏書

弁陽嘯翁周密公謹父

密祖父僑寓吳興織佛寺尋移天聖佛剎幾二十年杜門著述密承家學博通經史能詩藏名畫法書頗多善畫梅蘭竹石晚歲居弁山更號弁閭老人著書二十餘種尤精於詞顧 四庫惟著錄其所編絕妙好詞尚未及其自著之詞阮氏元撫浙時曾錄其蘋洲漁笛譜二卷進呈聖經室外集載有提要此草窗詞比前譜增多數闕始爲後人掇拾而成鮑氏知不足齋並刊入叢書中更從絕妙好詞補詞十八闕從蘋洲漁笛譜補詞二

十二閱暇當鈔足之有汪魚亭藏閱書一印

水雲詞一卷

舊鈔本

汪元暉大有

此卷文文山跋後云吳人汪水雲羽扇綸巾訪予於幽燕之國袖出行吟一卷讀之如風檣陣馬快逸奔放今覽其詞沈鬱蒼涼與玉田並駕集中錢塘元夕浙江樓間笛及憶王孫十首尤爲哀感頑豔黍離麥秀之痛一於詞發之錄而存之以爲南宋詞家後勁

撫掌詞一卷

勞吳廉鈔本

後學南城歐良

卷後有勞氏手跋曰撫掌詞卷前不署撰人名氏從典雅詞傳出蓋南渡人詞也歐良乃編集者之名往往去後學二字以當作者末附徵李長吉十二月宮樂詞此爲樂府不得入詞原本

藏書志卷四十

十四

所有仍補入之良南城人官司戶見劉後村所作詩集序今讀其詞頗多清婉之語小令亦尙有風致惟瑜瑕雜陳耳卷首有勞權印白文小方印

蕭閒老人明秀集注三卷 鈔金槧本

雷溪子魏道明元道注解

金蔡松年撰松年字伯堅本杭人長於汴都從父靖除眞定府判官遂籍眞定累官吏部尚書參知政事進右丞相卒封吳國公謚文簡明秀峰在汴梁松年與梁慎修許師聖田唐卿輩觴咏其間集因以名蕭閒老人則退居後自號也原集六卷著錄於直齋書錄解題顧不及魏道明之注道明易州人官安國軍節度使著有鼎新詩話見中州集此書元明以來久無傳本陳子準得之吳門周氏僅前三卷凡七十二闕幸四五六卷目錄尙存朱氏詞綜錄其尉遲杯一闕今檢目錄在第五卷中萬氏

詞律錄月華清一閱檢目錄乃第四卷中之詞是此書在康熙中尚有全本安得珠還劍合重成完璧耶芙川張蓉鏡子瀟孫原湘並有跋黃蕘圃有紀事八絕附於後

天籟詞二卷

舊鈔本

白樸蘭谷著

樸字仁甫又字太素蘭谷其號也真定人甫七歲遭壬辰之難明年京城變元遺山遂學以北渡後卜築於滹陽律賦爲專門之學平生留意長短句散失之餘僅一百篇至元丁亥御史中丞王博文子勉序之孫大雅曹安並爲像贊李道純陳霆並題詞其後後有洪武丁巳大雅所作後序

遺山先生新樂府五卷

舊鈔本

遺山先生詩集人無間然詞則不甚顯於世惟著錄於文淵閣書目前後無序跋未知何人所編阮氏元撫浙時嘗錄以進

御琴經室外集提要云按錦機集云僧李菩薩灑酒作花開牡丹二株遺山爲賦滿庭芳傳誦一時是作今載集中張炎稱其詞深於用事精於鍊句風流蘊藉不減周秦合觀諸作良非虛美也

遺山樂府一卷

明鈔本

前鄉貢進士錢塘凌雲翰彥紳編選

此則凌雲翰所選遺山之詞也歷代詩餘及朱彝尊詞綜所選皆據此編雲翰當時殆合新舊兩本選而成此故有出於新樂府五卷之外者舊樂府不知若干卷久已佚去耳

甯極齋樂府一卷

精鈔本

何夢華藏書

吳郡陳深子微

盧熊蘇州府志深於宋亡後閉門著書天慙間奎章閣臣以能書薦潛匿不出嘗題所居曰清全齋 四庫著錄甯極齋稿一

卷此其詞也雖傳七闕而婉雅安詳篇篇可誦後附傳略一篇
自何元錫白文小方印

水雲村詩餘一卷 精鈔本

南豐劉堦起潛

堦有隱居通議及水雲村稿 四庫已著錄其詞舊附全集中
此爲別行之本堦年逾七秩爲南劍州學官不得稱宋遺逸矣
詞筆意雅潔山其根柢槃深隨意涉筆自無凡響亦元代詞家
一作手也

無絃琴譜二卷 明鈔本

錢塘仇遠山村著

此書卷一詞六十一闕附錄一闕卷二詞五十八闕附錄二闕
湮而復顯真不易得山村在宋咸淳中詩與白珽齊名人稱仇
白而未嘗以詞稱迨爲詩所掩耳今取而讀之其清麗似中仙

和雅似玉田在三人之中未爲蜂腰原書湮沒已久嘉慶中孫平叔從大典錄出此則明人鈔本賻而復顯真詞苑瓌寶也

吳文正公詞一卷

精鈔本

何夢華藏書

臨川吳澄幼清

幼清深於經術著述極富詩文亦闕深鉅麗凌跨一代此詩餘一卷僅十三闕寥寥數簡似非所注意然根本旣富出筆自殊頗有因辭見道之意爲何夢華舊藏有錢塘何元錫字敬祉號夢華又號雙隱朱文大方印卷尾鈐有錢江何氏夢花館藏朱文方印

靜修詞一卷

明鈔本

容城劉因夢吉

錢大昕補元史藝文志載因所作樵庵詞一卷此作靜修詞凡三十三闕柏紙藍格爲明人手鈔夢吉學問淵懿在元與程雪

樓虞道園抗行詩尤見重於時餘事爲詞直抒胸臆皆學養之
氣噴薄而出惟道園可與旗鼓相當自足俯視餘子矣

五峰詞一卷 勞氏手鈔本

樂清李孝光

孝光字季和樂清人隱居雁蕩山五峰下至正七年詔徵隱士
以祕書監著作郎召赴京進孝經圖說順帝大悅賜上尊明年
陞文林郎祕書監丞卒於官有五峰詞卽此本也其詞跌宕流
利無綺羅纖穠之態殆得於山澤間清氣者深也卷首有巽卿
小印

蟻術詞選四卷 舊鈔本

元雲間邵復孺著

此書久佚自阮文達得舊鈔本與詩選同進 內府學經室外
集稱藏書家未見著錄古今詞話亦稱其沁園春詞新豔入情

書中追和趙孟頫十首按侯文燦所輯松雪詞已佚其點絳脣
感皇恩蝶戀花各一闕未嘗不藉是以見梗概也

眉菴詞一卷 勞氏鈔本

楊基孟載

眉菴詩朱竹垞謂其類詞且摘出其語之類詞者數十聯著於
明詩綜至其詞則婉約流利韶秀獨絕昔徐泰評眉菴詩曰天
機雲錦獨出冠時其讚美似乎太過今移以評其詞則允當矣
卷首有玉參差館驛卿朱文二方印

扣舷集一卷 勞氏鈔本

高啟季迪

啟詩爲明初吳中四傑之冠詞則原本別行不入詩集清新華
妙一如其詩其時去南宋未遠虞集張翥續其燈燄明初一代
之詞自以浙中劉誠意爲冠冕季迪雖長尖不雖下足以繼誠

意其和雅流麗秀雅天成亦足自立於詞壇非永樂後諸人所及也有辨卿朱文小方印

樂府遺音一卷

舊鈔本

錢塘存齋羅佑宗吉

四庫存目有宗吉樂府遺音五卷未之見也此一卷明天順七年刊本傳錄大半塞垣所作南康知府同郡陳敏政爲序先生以明經薦官國子助教後陞周府右長史建文六年以詩禍編管保安洪熙元年始釋歸宣德八年卒先生詞欲兼學南北體製雜糅而筆意淺率雅令殊鮮明自高季迪以後楊升庵以前詞學之衰一百餘年因重鄉先生遺著特存之

半軒詞一卷

精鈔本

何夢華藏書

楮園王行止仲

止仲文踔厲風發縱橫排募詩格亦清剛蕭爽列名北郭十子

之中詞則清潤妍雅吐屬韶秀異乎平日桀驁之才惜僅得十
五閱其秋水晴霞一閱下注卽滿江紅盡止仲白製新名也卷
尾鈐有錢江何夢華館藏朱文方印

耐軒詞一卷 精鈔本 何夢華藏書

錫山王達達善

達善著述甚多今惟景仰撮書王天遊集十卷舊錄 四庫附
存此詞一卷係何夢華鈔本其詞工雅韶秀雖不及眉庵季迪
然和婉可誦不失爲第二流也卷首有錢塘何元錫字敬祉又
號蜨隱朱文方印

夢菴詞一卷 鈔本 梅禹金藏書

浚儀張肯綽孟

肯一字寄夢少從金華宋景濂學所爲詩文清麗有法尤長於
南詞新聲年八十餘卒有夢菴集繼孟詞不甚著於時今讀其

所作穠秀溫麗尙足肩隨李迪通卷朱筆評語及點勘皆出禹
金手筆卷首有梅禹金藏書朱文長印

升庵長短句三卷續三卷

明嘉靖刊本

明楊慎撰升庵詞集未入 四庫全集八十一卷亦未編入惟
天一閣書目有升庵長短句續集三卷玲瓏倡和二卷附刻一
卷樂府拾遺一卷此明嘉靖陸氏刊本雖無玲瓏倡和以下諸
刻然前多正集三卷有唐筇及楊南金序後有臨安王廷表跋
次又列門生樸榆韓宸邦書門生南華李發重刻兩行續集三
卷則不知誰所編輯也

玉琴齋詞四冊

手稿本 曹棟亭藏書

下邳余懷字無懷

懷字無懷號澹心閩縣人曾著版橋雜記三卷見 四庫提要
此澹心詞藁四冊不分卷卷首有吳梅村尤展成題詞後有顧

千里孫淵如二跋澹心詞世無刻本其體格與漁洋珂雪相伯仲舊爲曹棟亭昌敷齋轉輾寶藏其後爲馬二校所得蔣生沐載入東湖雜記今藏余家亦三十餘年矣卷首有余懷之印味外軒圖書白文方印二又有曹棟亭氏藏書朱文長印又長白敷棧氏堇齋昌齡圖書記朱文大方印澹心所著別有平生蕭瑟詩三吳遊覽志楓江酒船詩秋雪詞味外軒稿茶史諸種今流傳亦罕晤閩中人當詳詢之也

右詞曲類詞集之屬

花間集十卷

明依宋刊本 長白昌齡藏書

銀青光祿大夫行衛尉少卿趙崇祚撰

前有武德軍節度判官歐陽炯撰序云今衛尉少卿字宏基廣會眾官時延佳論因集近來詩客曲子詞五百首分爲十卷以炯粗預知音等語命題仍爲序引時大蜀廣政三年夏四月日

末有百花間集十卷皆唐末才士長短句情真而調逸思深而
言簡嗚乎辭文之靡無補於世亦可謂工矣建康舊有本比得
往年例卷猶載都將監司僚幕之行有六朝宮錄與花間集之
歸又他處本皆譌舛迺是正而復刊聊以存舊事云紹興十八
年二月濟陽晁謙之題此本與讀書敏求記所載相合近臨桂
王鵬運摹刻聊城楊氏海源閣藏宋治熙十四年鄂州使庫刊
本同是十行鄂刻每行十七字此十八字鄂刻前不署崇祿及
炯銜名後無晁跋猶在此本原刻之後也有葦齋收藏昌齡印
二方

樽前集一卷 明鈔本 梅禹金藏書

不著編輯人姓名汲古毛氏刻本作二卷前有顧玩芳序疑卽
玩芳所輯竹垞朱氏跋稱吳下得吳寬手鈔勘以顧本靡有不
合因定爲宋初人編輯提要則兩存其說此明鈔一卷前無顧

藏書志卷四十

三

序後有四十五葉四字押以梅鼎祚印圖記鼎祚去萬曆時甚近如果爲顧輯必不鄭重如此況所錄之詞皆屬唐代絕不下及宋初似可信爲五代時舊帙也

中興以來絕妙詞選十卷

明刊本

此卽黃昇之花庵詞選後十卷也昇字叔賜號玉林自著散花庵詞一卷又於清祐己酉選唐宋諸賢詞前後各十卷而讀書敏求記僅載中興以來絕妙好詞十卷云萬曆二年龍邱桐源舒氏新雕本此則清祐己酉所刻也似當時各自別行此本詞人始康伯可終黃叔賜每人各之下各注字號里貫每篇題之下亦間附評語洵足以資攷證較之汲古所刊差爲近古其源當從清祐本出也

類編草堂詩餘四卷

明嘉靖刊本 赤堇山人藏書

武林逸史編次開雲山農校正

不著編輯姓名書名見於王林野客叢書則編在慶元以前詞
分小令中調長調實始此集雖不及花庵持擇之精然名章秀
語時時得寶亦可稱詞山之五嶽矣前有嘉靖庚戌何良俊序
云顧子汝家藏宋刻本此世所行本多七十餘調是不可以不
傳 四庫著錄者卽屬此本有高陽氏槐榮堂又赤堇山人三
印

絕妙好詞七卷

戴鹿林手校本

宋弁陽老人周密原輯

右編南渡以後諸名家歌詞自張于湖至仇山村凡一百三十
二人詞三百八十二首去取謹嚴幾於篇篇珠玉方諸草堂所
錄雅俗攸分宋人詞集煙消雲散賴此以存作者姓名朱竹垞
所見本闕仇仁近詞此爲項澹齋網羅本在查廬合箋以前戴
文節手爲校勘有味終閣戴氏藏書朱文長印

精選名儒草堂詩餘三卷

舊鈔本

廬陵鳳林書院輯

前有無名氏記云唐宋名賢詞行於世尙矣方今車書混一名筆不少而未見之刊本是編輒欲求備不可姑撫拾所得才三百餘首不復次第刊爲首集江湖天寬俊傑何限倘有佳作毋惜緘示陸續梓行將見愈出而愈奇也憶咸豐己未秋余得關晉軒侍郎家藏書中有此本質之媿潔伯廣文云是張無夜解元渡寫厲太鴻徵君校本精楷朱圈閱之心齋越巖付之兵火每念此書時時往來心際此舊鈔本從讀書齋叢書補錄樊榭山民五敬聊以當中郎虎賁之思耳

花草粹編十二卷

明萬曆舊本 張月雲藏書

明陵外方陳耀文晦伯甫纂

耀文字晦伯謙山人萬曆庚戌進士官至按察司副使著有經

典稽疑是編採錄唐宋二代之詞題爲花草粹編以花間集屬
唐詞卓堂詩餘屬宋詞各摘一字立名殊不典雅願其援引繁
富箋釋詳賅足資參攷前有萬曆癸未冬月自序附刻沈氏樂
府指迷有張氏月宵印蓋愛日精廬遺籍也惟印本極稀金鈞
仙孝廉繩武嘗假置穎山藏本以其署姓氏或書名或書字或
採自某書卽標所採書之名體例未之盡善因查覈改署其名
無可攷及疑信參半者仍依原本書字其見於何書者皆小字
注後而署失名於前以聚珍版刷百部贈余一帙未幾鈞仙化
去余書亦付劫灰亂既定覓鈞仙印本竟不可得轉得月宵藏
本印槧甚精洵佳刻也

汲古閣四家詞四卷

精寫本

鳳樊榭梁山舟藏書

此爲汲古閣寫本一爲王周士詞宋王以甯撰一爲近體樂府
宋周必大撰一爲甯極齋樂府元陳深撰一爲吳文正公詞元

吳澄撰皆從宋槧元刊單行詞集照寫楷法精工之至版心下有汲古閣三字每家卷首鈐有鳳鸞朱文連珠小方印面葉有梁山舟先生手書云汲古四家詞厲樊榭先生家藏本山舟奉贈相先生押以山舟文朱圓印日毋齋朱文長印卷首又有祖州祕玩蕭山蔡陸士藏玩書畫鈐記朱文二方印

右詞曲類詞選之屬

沈氏樂府指迷一卷 明萬曆刊本

沈義父伯時

義父仕履始末無攷惟據自題當爲理宗時人按蘇州府志吳江縣志載義父號時齋震澤人嘉熙元年以賦領鄉薦爲南康郡白鹿書院山長著時齋集遺世頌樂府指迷凡二十有八條論詞則宗周美成頗多中肯至謂去聲字要緊及入聲可替平聲不可替上聲尤入微之解又謂古曲譜亦有異同嘌唱家多

有添字亦足以解釋糾紛此書寥寥數葉明陳耀文附列於花草粹編之前以其足爲詞苑津集也

詞源二卷

精寫本

西秦玉田張炎叔夏編

炎有山中白雲詞 四庫已著錄是編見於讀書敏求記自明陳繼儒改竄炎書并襲沈義父樂府指迷之名刊入續祕笈中遂失其真儀徵阮元撫浙時得元人舊本影寫進 御上卷詳論五音十二律律呂相生以及宮調管色諸事虛析精允間系以圖與姜白石歌詞九歌琴曲所記用事紀聲之法大略相同下卷歷論制曲句法字面虛字清空意趣用事詠物節序賦情離情令曲雜論五要十四篇並足以攷見宋代樂府之制前有陸文圭序此本依元槧影寫者也

清山堂詞話三卷

舊鈔本

沈自巖藏書

明陳霆撰

霆字聲伯德清人宏治壬戌進士官至山西提學僉事霆有渚山堂詩話三卷 四庫列入附存其自作之詩近於詞故論詞轉勝其中軼事逸篇多資攷證故 四庫棄彼取此此德清沈閔崑藏本有東山外史竹巖藏書之章二印

右詞曲類詞話之屬

新刻張小山西曲聯樂府三卷外集一卷

影元寫本 堂藏本

繹雲樓張綺

元張可久撰可久字小山慶元人以路吏爲首領官是編目錄後有本堂今求到時賢張小山樂府前集今樂府後集蘇隄漁唱續集吳鹽別集新樂府元分四集今類一編與眾本不同伺有所作隨類增添梓行知音之士幸垂眼目外集近聞所作謹白卷前有海粟馮子振燕山高拭題小山蘇隄漁唱曲二闕後李中麓另編作二卷則無復此書之舊矣 四庫所收二卷本

當卽申麓重編本有錢謙益印汪魚亭藏閣書諸印

新刊張小山北曲聯樂府三卷外集一卷補遺一卷

勞平甫鈔校本

此勞平甫據元槧過錄鈔寫精絕平甫復據李中麓本飽以文
藏舊刻李編巾箱本參以太平樂府陽春白雪諸書以校其朱
筆綠筆通部點勘改誤蠅頭小楷書於曲之上下詳密精密致
爲佳本補遺一卷則平甫所輯也後補錄毛斧季跋及李開先
序跋面葉有平甫手題咸豐甲寅丹鉛精舍校正本己未九月
復附入原本喬慶符小令秋井草堂書記小史得藉手裝墨迹
五行卷首有勞權玉參差館二印

張小山小令二卷

明嘉靖丙寅刊本

毛氏汲古閣藏書

虞元張可久著章丘李開先編

右書前有開先序云太和正音譜評小山詞如瑤天笙鶴世雖
慕之未有見其全詞者余爲編選成帙以其生平鮮套詞因名

曰小山小令小山居卑秩宜其歌曲多不平之鳴然亦不但小山如關漢卿乃太醫院尹馬致遠爲江浙行省屬鄭德輝杭州小吏官大用釣臺山長其他屈在簿書老於布素者不可勝計當時臺省元臣郤邑正官及雄要之職盡其國人爲之中州人每每沈抑下僚志不獲展因序小山詞而節取之以見元詞所由盛元治所由衰也又後跋云洪武初年親王之國必以詞曲一千七百本賜之憲廟好聽雜劇及散詞搜羅海內詞本殆盡武宗亦好之有進者卽蒙厚賞如楊循吉徐霖陳符所進不止數千本今宜詞曲少如小山者更少也今雖編成上下二冊每樣曲終鏤版不刻空以待博學君子寄示云有虞山毛氏汲古閣收藏毛晉子晉汪魚亭藏閱書譜印

文湖州集詞一卷

精鈔本

何夢華藏書

文林郎雙門吟隱拜校

後有厲太鴻鸚記云此卷係元太原喬夢符小令章邱李開先
曾有刊本今作文湖州不知何故按夢符名吉號笙鶴翁又號
惺惺道人以詞擅場於至正間不僅長於小令卽雜劇亦高出
一世李中麓曾於隆慶間刊其小令時在隆慶丁卯此集較李
刻少數十閱殆別本歟有錢江何氏夢華館藏一印

碧山樂府一卷續一卷泚東樂府二卷

明正德刊本

右題曰紫閣山人又曰泚東漁父不署名氏實明鄧縣王九思
敬夫別號也敬夫登宏治丙辰進士官至吏部郎中坐劉瑾黨
降壽州同知尋勒致仕明史文苑附李夢陽傳有泚陂集已見
四庫存目提要稱樂府是其長技前有正德十四年秋自序
曰山人舊不爲此體自罷壽州後始爲之續集又有嘉靖癸巳
自序其泚東樂府有正德八年自序末有弟浩識語

陶情樂府四卷

明嘉靖刊本

錢遵王藏書

明楊慎撰前有嘉靖三十年春新喻簡紹芳序云升庵太史謫
戍博南乃揚情綺語命韻追矜制元人樂府數十齣皆自叶紀
贊徧諧鳳律俾狂山狼谷樂土平邦乾海黃塵青樓繡閣歌之
者崇逸思聽之者排窮愁且太史紅顏而出華顛未歸幾三十
稔得古今奇譎然氣益平宕言益溫藻臨川拙莊楊子濟齋余
子請刻之謾書以傳好事有錢曾之印遵王錢曾大布衣諸印

玉西樓先生樂府一卷

明嘉靖刊本

高郵王磐鴻漸父著

磐少爲諸生棄去家城西有樓三楹日與名流談詠好山水游
工詩畫精音律儲文懿公莊定山相契獨深稱爲古摩詰之流
嘗詠老人燈詩以譏李東陽又著野菜譜以禦江淮荒其甘於
藜苳敬恭梓桑者可知也此樂府乃嘉靖辛亥磐甥張守中所

刊前有守中一序

右詞曲類南北曲之屬

樂府新編陽春白雪前集五卷後集五卷

元刊本

錢牧齋黃葉圃

青城後學澹齋楊朝英選集

卷首有唱論燕南芝庵先生撰次列曲文此元槧小字本每葉三十四行每行廿六七字不等前集後集俱作白文前有酸齋貫雲石序嘉慶己巳正月復翁識云元刻陽春白雪爲錢塘何夢華寶藏因其是惠香閣物也惠香閣是柳如是所居茲卷中有牧翁印有錢受之印有女史印其爲柳藏無疑惜玉憐香一印殆亦東澗所鈐者卷中又有墨筆校勘筆姿秀媚識者指爲柳書未敢定也先是曾影鈔一本與余易書但重其爲元刻又識云余所見陽春白雪共有三本一爲影元鈔本卽從此出已有失與者一爲錢元刻本僅存二卷多寡分合又與此本不同

一爲舊鈔本似從殘元刻本而稍有脫落今擬以此刻爲主而以殘元刻舊鈔參補未備則陽春白雪粲然可觀矣古書難得本子不同爲之浩歎又記云辛未仲春廿有二日錢塘陳曼生偕其弟雲伯同過余齋出此相示因雲伯去年曾攝常熟邑篆有修棚如是稟一事於河東君手迹亦有見者茲以校字證之雲伯以爲然當不謬也又有何元錫敬祉三松過眼等印

樂府新編陽春白雪殘本二卷

元刊本 黃蕪圃藏書

青城後學澹齋楊朝英選集

此本前有姓氏目錄一葉題陽春白雪選中古今姓氏列蘇東坡至楊潛齋凡八十九人紙尾有墨質白文郭氏二字卷一首列唱論是燕南芝庵先生撰次接曲文亦元槩小字本每葉三十四行每行二十九字有嘉慶戊辰十月復齋黃丕烈識云楊朝英陽春白雪前後十卷見諸也是園藏書目余從錢塘何夢

華得影鈔元本謂是足本頃書友攜一殘元刻本取對影鈔者殊不同止二卷適當前集之五然文較多於影鈔者想當時傳本有二也而陸其清佳趣堂書目云樂府新編陽春白雪前集四卷後集五卷楊朝英選貫酸齋序又不知是何本茲因參校元刻影元鈔本復借得周文香藏舊鈔本卷數與陸目合但以元刻本勘之卷一自湘妃怨起知所脫乃元刻一卷之首影元鈔二卷之前幾葉也至卷中文之闕削段數不全惟殘元刻爲最備蓋就此二卷已多妙處矧全本乎余全本不可得見得見殘本斯可矣出重價購此并不惜裝潢之費賦是故耳原書闕損幾番照影元本字體補異於不知而妄作倘後來獲見此元刻之全本審訂卷數分合之所由來鈔補後集文句之所未備不更怡然渙然乎書此以俟并以告藏書家雖殘本苟傳刻甯取毋棄焉有眼前卽足澹怡黃丕烈印陳守吾文房諸印

朝野新聲太平樂府九卷

舊鈔本

何夢華藏書

三七

青城澹齋揚朝英集

前有至正辛卯巴西鄧子晉序稱澹齋揚君有舊集名陽春白雪盛行久矣茲又新選太平樂府一編分宮類調閱之皆當代朝野名筆而不復出諸篇之所載者皆酸齋貫公與澹齋游日我酸則子當澹遂以名之嘗與評今日詞手以馮海粟爲豪流浩爛乃其所畏也是編首採海粟蓋嘉其句按四聲字字不苟澹齋刪存之意亦知樂府之所本歟此本爲夢華館所鈔且用朱筆校正有何元錫印夢華館藏書二印

雍熙樂府二十卷

明嘉靖刊本

按四庫存目雍熙樂府十三卷舊本題海西廣氏編不著姓名其凡例謂聲音各應宮律原分一十七調今所傳者一十有二蓋闕其五卽十二調中之商角與般涉二調亦有目無詞蓋

闕佚其五也此書卷一曰仙呂調卷二卷三曰正宮調卷四五
曰仙呂宮調卷六七曰中呂宮調卷八九十曰南呂宮調卷十
一十二曰雙調卷十三曰越調卷十四曰商調卷十五曰大石
調小石調南曲卷十六曰南曲卷十七至二十曰雜調前有嘉
靖丙寅中秋安肅春山序一篇云予生長中州蚤入內禁中和
大樂時得見聞又嘗接鴻儒承論說儒若彷彿其影響者比見
舊刻彙輯國朝并金元以來諸名公鉅卿佳詞妙曲套數小令
凡若干章宮分調別燦然具備非一手調出一腔信皆樂府
之指南爰錄諸梓用廣其傳仍其舊名曰雍熙樂府蓋採唐虞
時雍咸熙之語以昭盛世之治和也其書採摭繁富自金元以
迄明正德凡名人以及樂工院本小令長套約略在是亦可稱
曲海矣

右詞曲類曲選之屬

太和正音譜二卷

影寫明洪武刊本

汪闓源藏書

丹邱先生涵虛子編

涵虛子卽甯王權之道號王又號臞仙太祖第十七子洪武二十四年封永樂元年徙南昌仍其故號正統十三年薨明史有傳此書前有自序云余因清詞之餘採摭當代羣英詞章及元老儒所作依聲定調按名分譜集爲二卷目之曰太和正音譜審音定律輯爲一卷目之曰瓊林雅韻蒐羅羣語輯爲四卷目之曰務頭集韻以壽諸梓爲樂府格式時龍集戊寅按瓊林雅韻入四庫存目此譜未著錄至務頭集韻并未見也有梁溪蔡氏蔡廷植印伯卿一字孫宰汪士鍾印平陽伯子諸印

右詞曲類曲譜之屬

瓊林雅韻不分卷

洪武戊寅刊本

瓊川吳氏藏書

明甯王權編是書分十九韻曰穹寵曰邦昌曰詩詞曰丕基曰

車書曰秦階曰仁恩曰安閒曰觚鸞曰乾元曰簫韶曰珂和曰
嘉華曰碑那曰清雷曰周流曰金環曰潭巖曰謙謙大抵襲周
德清中原音韻體例而易其名耳前有自序云卓氏著中州韻
世之詞人歌客莫不以爲準繩予覽之卓氏頗多誤脫因琴書
清暇審音定韻凡不切於用者去之舛者正之脫者增之自成
一家題曰瓊林雅韻有洪武戊寅葫蘆木印卷首鈐有璜川吳
氏收藏書朱文方印

右詞曲類曲韻之屬

善本書室藏書志卷四十終

藏書志卷四十

三

善本書室藏書志附錄

濟陽文府記

濟陽文府錢塘丁氏藏書之所也丁氏昆弟曰竹舟曰松生均以文學知名當世咸同間杭造粵寇之變二君不避艱險收集文淵閣遺書以存東南文獻之一脈亂定度之杭郡庠至光緒辛巳撫部譚公據以入告奉優詔獎許事既竣思所以儲其家藏者乃闢地於所居之西北隅鳩工庀材先作嘉惠堂翼以兩廡衛以重門堂凡六楹仿范氏天一閣之式上爲八千卷樓其後乃作漢晉唐齋蕉石山房又拓其西爲善本書室周垣則植木蔭之旣成俯仰四顧紫陽山環其前翠亭山倚其後錢江與西湖映帶左右規模宏暢氣象崇隆觀者莫不歎羨以爲此其東壁圖書府乎時竹舟君已歸道山松生君痛兄之不及見其成也屬余記始末以詔後人余旣序其事且告之曰人莫切於務學故作裕後之謀者積金不如積書古之人生而

知之固不皆待父兄之教而始成也然而天之生人不能家契稷而人游夏爲父兄者必本家訓以教之况三代以降人心浮薄不以道德爲樊籠則流於邪僻不克自制矣語云百工居肆以成其事君子學以致其道文府猶百工之肆也丁氏子孫居文府之中相與談論經史閉戶研求耳濡目染無非詩書禮義之訓又何患其事之不成二君以惠天下之士林約而惠一家之後裔其謀深且遠其澤久而大矣有爲其慮者曰自暴者不可與有言自棄者不可與有爲世非無下愚不移者雖有文府其如委而棄之何豐於前而嗇於後亦循環之理也余又解之曰積善之家必有余慶二君爲善於鄉者有年其善行不務枚舉竹舟君之子曰立誠已登賢書其昆弟行均有聲庠序旣得賢父兄教之以成而中也豈不中材也善不材以孝友之家法觀之必將化暴棄而爲賢俊則建此文府以爲杜漸防微之計則他日人文蔚起不可操左券哉余謹爲之記并爲丁氏世世子孫

勉也黃巖王棻撰

嘉惠堂八千卷樓記

有文獻之家有孝友之家論家法者得一難已兼而有之不尤難哉雖然文獻者孝友之支也孝友者文獻之本也南雷黃先生記范氏天一閣藏書比之如周禮之在魯而鄭重其言曰後世子孫如護日睛夫曰護之未言所以護之非義之盡也澄瑩而瞭然者日也所以澄瑩而瞭然非日也是故有其本也有其本雖云翳亦昏之患吾知其光明可復也是故護之必先其本也凡物之在人無多寡聚散完缺之數不可得而自主之孝友之在人可得而自主之然而盡其所自主者其不可得而主者亦將聽命焉故曰本也天下之動貞夫一者也太上立德其次立功其次立言傳之無窮爲世宗仰抑豈有他哉其所因者本也然則論家法者從可識已故曰文獻者孝友之支孝友者文獻之本也錢塘丁氏嘉惠堂八千卷樓者松生先生築

以藏書者也。丁氏世孝友先生之祖，掌六公墓，先世聞人名顯者，藏書八千卷，有言曰：吾家書多矣，必有能讀書者為吾子孫。遂作小樓於梅東里，梁山舟學士題其額曰：八千卷樓。考曰：洛書公嗜學於書，無不讀，又嘗往來齊楚燕趙間，遇善本輒載以歸。先生與其兄竹舟先生踵繼之，於是八千卷樓之名已歸然聞於時矣。廣西賊起，杭州再淪陷，家室遭毀，其與身幸免者僅掌六公，日夕披玩之，周易本義一書，迨會城復，重還故鄉，外而艱劬以襄善後，內而補苴以甯幼穉，甫得甦息，輒復縮衣節食，近訪遠求，或購或鈔，隨得隨校，積二三十年，僂八九萬卷，至是向之無者有，寡者多，散者聚，缺者完焉。或者曰：此其中若天實陰相之，夫以孝友之相承，隱然為文獻所付託，天之相之亦固其宜於歲貴偶然哉。初杭州之陷也，文瀾閣燬，先生與其兄竹舟先生方跳身出危城，匿西溪農舍，深宵潛往，撥拾灰燼，瓦礫之中得萬餘冊，流離轉徙，日與之俱，瀕危者救矣，卒獲全。既而

茶陵公鍾麟撫浙上其事於朝復建閣選書尊藏之論曰其
其嘉惠士林閭事既畢思所以儲其家藏者遂拓地於所居正修堂
之西北爲堂爲樓堂曰嘉惠紀君思也樓凡三日入千卷曰與人
千卷曰小入千卷誌祖德也其藏書目錄永感胡觀察鳳厚之爲
次其楮極皮厨排次分類自記者亦詳余嘗與容造而請觀焉先生
肅容登其子相甫孝廉侍几供客者躬具之既設飲左提壺右執爵
者先生之猶子而竹舟先生長子修甫孝廉也再憩客別室則相甫
又先歿於階太和樸肅之氣充於庭溢於戶牖蓋掌六公聚書之澤
讀書之訓有以成孝友之家法者如此昔人謂東漢以後罕習幼儀
南宋以後罕通小學書理之不明古已然也庸一第則爲官人人相
與矜重之其父兄亦或寬假之子弟之役望而去之已耳故自掌六
公言之先生兄弟爲能讀書之賢子孫矣而以孝友之家法攷之修
甫兄弟又將得能讀書者爲之賢子孫周禮在魯東南文獻其不在

斯乎其不在斯乎登南北峰高望有光熊熊上燭霄漢者 文瀾閣也而餘光所曠護者必此樓也夫長沙張溶萬撰

八千卷樓藏書記

維光緒紀元之十有五年龍集祝犁訥漢春鈔補 文瀾閣書事既竣壺墨罄金篋珍返壁寫備斷手典司誌眉松生丁丈迺檢視舊藏編理副本軸紛束筍香滅散共蓋論語幸未代薪班史幾經付質出觀異乎桓畫多爲寒具所油省讀非若韋書已留墨汚之垢而未敢違惜者謂撐翠弭闕鍊石何郵瘠枯行潦馮羞汲泉聽其井濁抑以雪泥偶存之遺跡微雲章藉補之苦心也鴻編告成藝林振采螢爨資讀藜火助輝則懷寶既釋邦述握槩斯嚴世守此八千卷樓之所由築也先是松丈與伯氏朝議公奉 賜書以歸 閣荷 溫詔之降庭異敷沐夫優隆藍玉冠飾珍木重其箬錄青箱架盈擬拓地築堂榜之嘉惠以紀 國恩以昭家慶也然平仲所居湫隘尺土登階

永嘉之本精奇分樹異室况副塋之子從役未遑故大園之良收藏
未密工欲鳩而輒已賀來燕而又飛牀積雲堆芳塋初議波驚電謝
道山遽還松丈則羽蠹挪殘原鶴誌痛基求地隙願適天從闢蔓草
與荒榛購諸鄰宅由芝楣而桂牖命彼匠師肇工於今春及嘉平之
月落成庭除洒掃爰邀淨君簡冊徙移斯忙伴使時值大祥服導中
障屏是爲嘉惠堂也堂之右東面又三楹重櫺闥榻四牖交綺迓朝
陽之紅昇坐隆夏以傲碧至若一層更上拾級其登是仙人所好居
擬飛神以憑眺筍厨皮排牙軸編繫凡石渠之羣玉瞻之在前藝海
之遺珠裕乎其後而自西爲美出右萃良則九邱八索之珍百宋干
元之選洵乎高樓聳於西北有覺其楹文藪占乎東南於斯爲盛且
夫青雲衍澤膚寸岱峰大河導源脈分積石先世喬梓初卜居於梅
東學士頻羅爰題額於研北楹書徧讀祕笈載歸聚精宏多插架富

有伯霜仲雪克成祖風露對月鈔借隱神霧例以充倉之富斯誠饋
賓之糧泊平饑肆狼頭甌搆狐火單舸出走窮海燧烽故里劫餘賈
山次燼百椽燔燬一卷奉持手澤護存牙籤誓輯管西谿之葬事馬
鬣親封收南苑之亡書虎尾幾啞迨井閭之言復詣書庫而抱殘日
錄八求手勤雙管縮衣節食裕以購黃訪異搜奇聚茲祕籍假

上林之副冊挹天祿之餘輝健藥標題識舊時之藩邸

所藏宋本有卷
時爲怡親王

物者數種皆有怡親王印章朝漢及諸
嗣修甫孝廉北上計借得於京藏書肆瑤華閱佚珍故老之印文求

之幾費深心得之寶山鉅眼所以龍幹儲度羊珠耀芒重比琳琅寶
逾球璧然則斯樓也上以崇熙朝之容藻下以揚先人之清芬

獻 瑞漆壁之儲宣麻

辰極謀勝金罍之滿式穀子孫若常景求

古之精書述疏書之癖舉以爲例方之茂如矧徒誇山積之雄驕矜
緇帑不知波及之美沾漑瓠筥者哉昌樛材鑽紙有類蠹疑梓舍撫
衣每承賜借尋觀新築命晉小文目炫琅環頌呈輪奐津梁遠近瞻

萬雉之書城泚涘淺深測一蠡於浪海名區作鎮邁錢出父之所藏
厚德馳聲效戴表元而作記

刻源文集有錢塘
丁氏厚德堂記

仁和張大昌撰

甘泉書藏記

丁竹舟松生二先生築精舍於甘泉之北稗四部書之爲宋元舊刻
者寶藏其中乃襲用宋時君家朝佐藏書室之舊名甘泉書藏以顏
其室蓋屋以傳先德書以啟後人也丁亥秋仲槩謁二先生於此見
其部居秩如古香四溢若登二酉而探琅環也二先生命槩記之槩
乃言曰學海浩博絕無涯涘以涓滴自滿者不知世有溟渤之大重
淵之深者也五代以來書始雕版文人著作遂能傳播日廣若江河
之流衍泄溢而不可遏厥後求書易得學術日分其大者探源星宿
宏深演迤爲時所宗而藝術詞章之家亦派分流別蔓延於世不絕
然古人專門守殘之學自此亦日微矣兩宋迄元季書籍之有版刻
者終數日不能舉其部目然自洪武至今闕時六百餘年當日印本

十九已歸湮沒卽免於劫而幸存者藏書家亦不能悉見無由盡登於錄其或傳世尙有刊本而寶藏於海內好古之家不肯輕出示人爲海內著錄家所未寓目者當尙有之而閱時旣久卽此僅存者或燬於火或隕於兵甚至因子孫不肖罔知愛護毀棄於敗宇之篋則今尙能寶守全帙不隨煙雲俱滅者較之洪永之代猶滄海之一勺而自今以後有百損而無一增者也今二先生重逢太平搜羅垂三十年凡經史鉅帙校刊於天水之朝付鏤於蒙古之代爲前人祕藏書目所載者大半購以鉅價登之文府或書因後出爲乾嘉兩朝通人未嘗目覩者亦以篤好之故聚而有之儲蓄之富遠足以繼葉氏彙竹堂近足以掩黃氏百宋一廬而階前後起之秀復能擴而大之朝浸夕灌盈科後進鬱爲浩瀚之材成世通儒如汲古得鞭如掘井及泉不惟激六藝之芳潤以著作誦名家已也縑幼遭寇亂先世遺籍盡付兵燹年二十後頗有志讀書思見用於世中間泛彭蠡之壯

闕陟粵海之宏深以寫其壯懷牽於謀生絕少暇晷今得重返故鄉
守先世舊廬絃誦湖上潄蹶自畫心廢澗如臂并爲世人所嗤笑擬
他日登精舍發所藏宋元舊刻盡讀之雖蹈以鱷測海之誚而洒濯
其鄙陋得以浸沃於理義尋末流而溯源學百川而至海渠知二先
生具培養後進之盛心必莞爾而許我也仁和羅渠撰

善本書室記

積財以貫計積書以卷計積財十萬貫子孫日夕取求焉不數年而
用已罄積書十萬卷子孫日夕取求焉終其身用之不盡更傳諸子
若孫數十世亦不能盡也故昔人有積財十一積書十九之語今松
生年丈爲進一解曰積書十一積善十九則其所錙累寸積者豈特
善本書二千餘種設禮遊善本書室而不能無說也禮幼丁庚辛之
劫先世遺籍悉付煨燼省垣藏書家亦不及見惟壬午以後恭配
文瀾閣書至范氏天一閣當一再登覽雖劫後散佚亦不免有目無

書而披展所存每珍如拱璧且心慕范氏之流澤長也至盧氏抱經樓則子孫七支分司管鑰莫爲專理甚且賃其樓下以儲藥材每年曬書經費第釀飲數日輒去禮率同人繕錄其間卷端蟬恆蠕蠕動竊以爲此較守財虜特加一等耳卽湖郡陸氏函宋樓嘗借鈔若干種亦必存齋年丈親檢迺得不如丁氏之部居整齊猶憶辛卯歲滌太史鼎芬約往觀覽初登八千卷樓繼過後八千卷樓已如入山陰道上目不暇給第層厨櫺比宜若盡於此者甫談笑間修甫昆季徐引而西忽一厨重門豁然疾趨而入則善本書室之樓所謂小八千卷樓者也所儲或宋元明刊本或精鈔孤行本或經某舊家珍藏或爲某名儒校勘整比則別雅更僕數語歟偉哉洵吾杭之鉅觀矣方今風氣乍更士林中賦故喜新爭爲新論新說新書以趨時會坊賈更繆自糴以欺世漁利誰與其守此古人手澤者覆瓿代薪殆哉其岌岌乎或者善人勝殘斯言可信吾知松生年丈善積累世度流

子孫必有善述善學世守勿替者則斯室當不殊魯壁也餘其孫樹

嘉惠堂藏書目序

杭州藏書家舊稱趙氏谷林意林兩徵君暨歐夫茂村父子兄弟自
相師友全湖山吉士既作小山堂藏書記矣迨乾隆間歸四庫館下
詔徵書猶首及之其時吳氏玉璫孫氏仰曾汪氏汝棟應 詔各
獻百種以上得仰邀 奎藻渥荷 御書其何榮哉 文治休明蔚
成七閣漸之文瀾其一也 特旨許購奇好學之士赴闕覲見錄
俾資搜討教澤涵濡流風相尚垂百年矣錢塘丁氏 國初遷自越
中有烈婦周太君知寇難時當盛暑疑不集蚊動鄉里傳之事載省
志越五傳掌六隱君慕其先世聞人名顯者藏書八千卷有言曰吾
聚書多矣必有好學者爲吾子孫遂作小樓於梅東里乞梁山舟學
士題其額曰八千卷樓哲嗣洛者觀察前讀父書嘗往來齊楚燕趙

間遇秘笈輒載以歸插架漸富竹舟松生又濟其美雪鈔風校益其
不足幾將肩隨振綺若瞿氏清吟關勞氏丹鉛精舍則又相輝映者
也咸豐辛酉冬寒寇由甯杭城竹舟家室遭毀其與身幸免者僅隱
君日夕把玩之周易本義一書而已竹舟兄弟既出坎穽潛身西溪
營觀察公葬事日擊一闕書橫遭摧裂因於青深趨闕手拾肩頁旬
日間得萬餘冊藏之僻地始跳身滬上迨省城克復重還里居依類
編目陳於大府借儲杭郡學尊經閣今相侯左公方以闡浙制府兼
巡撫爲題書庫抱殘圖以張之竹舟慨振綺諸家所藏雖不可得卽
天一范氏勝國所遺合族所守亦蕩焉泚焉念斯文墜地之厄發覆
篋爲山之思以闕目爲本以附存爲翼節食縮衣朝晡夕求遠自京
師近踰吳越外及海國或購或鈔得隨校積二十年聚入萬卷視
闕目幾及九成較樓額已踰十倍浙省 奏闕書局多藉君家藏本
備校勘其於鄉賢遺著編羅尤爲同里吳退庵學博仲雲制府有

國朝杭州詩兩編綜三千家既重雕而又續輯之搜采姓氏履於
編可謂苦心精詣矣先是茶陵譚公典杭郡深嘉其行光緒己卯建
旌於浙謂興廢舉墜莫亟 文瀾乃台松生經營閣工一載而竣遂
奉遺書恭藏舊地至微 上聽蒙 頒給匾額平定粵匪方略並有
文瀾閣毀於兵燹其散佚書籍經丁申丁丙購求藏弄漸復舊觀
洵足嘉惠藝林之論竹舟兼沐加四品秩其渥膺異數與吳孫汪三
家後先合轍也竹舟昆仲歸書既畢因檢家藏凡四庫著錄之書作
堂儲之額曰嘉惠紀 天語以拜 君恩也別以存目之書與書出
較後未經採入四庫者皮之八千卷儼繩祖武而志舊德也編排日
錄以視鳳丹鳳丹與丁氏昆仲交垂三十年於書有同嗜往歲官鄂
刊金華叢書商榷文字郵筒不絕於道今退處山中欣閱盛事竊作
商言曰世之藏書者屢侈百宋架於千元嚴一字之異同走千里之
聲氣牙籤錦軸借不出戶鐘鼎彝尊等於玩好未聞草茅伏處之身

乘兵火流離之會奮身家不顧之勇抱東南文獻之遺卒能有志竟成完斯鉅業宜譚公有敦本篤行之薦矣百舟松生學問淵雅時人目爲今之二林竹舟之子修甫孝廉猶謙夫也然掌六隱君追慕先世之言安知後世不慕隱君之行而爲凡子孫勗手因記其事以序其書目之首若以吾文當謝山則又不敢承康湖鳳丹撰

八千卷樓自記

光緒十有四年拓基於正修堂之西北隅地凡二畝有奇築嘉惠堂五楹堂之上爲八千卷樓堂之後室五楹額曰其書滿家上爲後八千卷樓後闢一室於西曰善本書室樓曰小八千卷樓樓三楹中藏宋元刊本約二百種有奇擇明刊之精者舊鈔之佳者及著述稿本校讎秘冊合計二千餘冊附儲左右若四庫著錄之書則藏諸八千卷樓分撰次第悉遵欽定簡明日錄綜三千五百部內待補者一百餘部復以欽定圖書集成欽定全唐文附其後遵定制

也凡一四庫之附存者已得一千五百餘種分藏於樓之兩廂至後八千卷樓所藏之書皆四庫所未收採者也以甲乙丙丁標其目共得八千種有奇如制藝釋藏道書下及傳奇小說悉附藏之計前後二樓書厨凡一百六十分類藏儲以後歷年所得之書皆因類而編入矣於是松生老人濡筆記之而詔兒子立誠兒子立中兄弟曰此吾祖吾父之志吾兄未竟之事吾勉成之小子識之并命兒子立本書諸壁以示後之子子孫孫永保之

右藏書志四十卷先君所手著者也光緒丁酉且月先君偶示微疾養靜松夢寮躬自纂輯命立中繕錄排纂己亥之春書始脫稿郵寄鄂中付梓卷帙既繁遂綿歲月辛丑長夏殺青斯竟雜文六首均海內鴻達奉手貽贈先君并自記一篇親錄諸冊尾者手澤所存墨彩未沫因附刊於後佳本薈萃卷逾二萬先君甄擇棄取極嚴尙有遺珠爲志中所未錄及近日中所續得者不忍竟聽湮

晦擬撰續志數卷以告海內同好人事牽率尙俟異日七月既望
男丁立中謹識

善本書室藏書志附錄

先君子喜藏書南北往還屢搜雪購得數萬卷半皆乾嘉諸老篋中
祕藏也迨庚辛粵匪之劫盡付劫灰無一帙存者至今思之有餘痛
焉 惠陵登極東南湯平故家舊籍幸免於兵火者十不得一其
或冷攤僻市偶見數冊尤爲可貴因借伯氏重爲搜羅天水蒙古之
遺槧名臣鉅儒之手錄有明一代遺刻尤繁擇其可珍者約有四端
特築善本書室儲藏之一曰舊刻宋元遺刊日遠日尠幸傳至今固
宜球圖視之二曰精本宋氏一朝自萬曆後刻刷固屬草草然追溯
嘉靖以前刻書多翻宋槧正統成化刻印尤精是本孤本所在皆是
今搜集自洪武迄嘉靖萃其遺帙擇其最佳者甄別而取之萬曆以
後間附數部要皆雕刻既工世鮮傳本者始行入錄三曰舊鈔前明
姑蘇叢書堂吳氏四明天一閣范氏二家之書半係鈔本至 國朝
小山堂趙氏知不足齋鮑氏振綺堂汪氏多影鈔宋元精本筆墨精
妙遠過明鈔寒家儲藏將及萬卷擇其尤異始著於編四曰舊校校

勤之學至乾嘉而極精出仁和盧抱經吳縣黃蕘圃陽湖孫淵如之手者尤櫛校精審他如馮已蒼錢保赤段茂堂阮文達諸家手校之書朱墨爛然爲藝林至寶補脫文正誤字有助後學不淺蒼萃珍藏如與諸君子面相質問也余自丁酉秋日養病之暇始分別部居謹依四庫次第每書列其文字異同之大致名人收藏之源流日積月累札記遂多兒子立中一手錄畧然成四十卷名曰善本書室藏書志以繼也是翁敏求記張金吾愛日精廬陸存齋頤宋樓二藏書志之後後之子孫念先世之勤勛購置艱辛不易必能倍加珍護日有增益或不備錄中所有而止今此書校錄既竣爲書數語以示兒輩并以告修市道甫二姪也戊戌如月丁酉自識